


冊府元龜

二百四十五之七

七十四



漢書門類			
五三四五	函號	三〇〇	冊架
五三四五	函號	三〇〇	冊架

內閣文庫		
漢書	五三四五	函號
漢書	三〇〇	冊架

內閣文庫	
番號	漢 5345
冊數	300 (74)
函號	365 6



冊府元龜

淺草文庫

淮南李嗣京叅閱

西極文翔鳳訂正

豫章黃國琦較釋

列國君部

朝聘

姻好

朝聘

傳曰諸侯三歲而聘五歲而朝又曰歲聘以志業間朝以講禮繇是評貢賦之職講班爵之義宴享以示惠采章而慎儀蓋小所以事大大所以字小乃周室

冊府元龜

列國君部

卷二百四十五

之舊制列國之遺範也原夫竝建之始胙土相繼著
之典法納於軌物其後力政專命強弱異勢以至獻
物薦賄旅百而有加其職歸事駿奔而不服當夫鄰
國之繼好霸令之不煩固宜講信修睦謀事補闕其
流風話言可觀也已

魯隱公元年十二月祭伯來祭伯諸侯為王卿士者祭國伯爵傳曰非王命也

七年夏齊侯使夷仲年來聘

十一年春滕侯薛侯來朝爭長薛魯國薛縣薛侯曰我先

封薛州奚仲夏所封也周之前滕侯曰我周之卜正也卜正卜官之長薛

庶姓也我不可以後之庶姓非周之同姓公使羽父請於薛

侯曰君與薛君辱在寡人周諺有之曰山有木工則

度之賓有禮主則擇之擇所宜而行之周之宗盟異姓為後

盟載書皆先同姓例在定四年寡君若朝于薛不敢與諸任齒薛任姓齒

列也君若辱貺寡人則願以滕君為請薛侯許之乃長

滕侯

桓公二年春正月滕子來朝隱十一年稱侯合稱子者蓋時王所黜

七年杞侯來朝公即位而來朝

三年冬齊侯使其弟年來聘

五年夏齊侯鄭伯如紀外相朝皆言如

六年冬紀侯來朝請王命以求成於齊公告不能紀

九年秋七月曹伯使其子射姑來朝曹伯有疾故賓使其子來朝

十有五年夏邾人牟人葛人來朝三人皆附庸之子也其君應稱名

二十三年夏荆人來聘不書荆子使其來聘君臣同辭者蓋楚之始通未成其禮

二十五年春陳侯使女叔來聘女叔陳卿女氏叔字始結陳好也

二十七年冬杞伯來朝杞邾伯者時王所黜

閔公元年冬齊仲孫湫來省難

僖公七年夏小邾子來朝邾邾來始得王命而來朝也邾之別封故曰小邾

秋七月公子友如齊公會齊侯盟于甯母罷盟而聘謝不敬也

十年春正月公如齊

十有三年冬公子友如齊

十有四年六月季姬及鄆子遇于防使鄆子來朝季姬

魯女鄆夫人也鄆子本無朝忠為季姬所召而來故言使鄆子來朝鄆國今琅邪鄆縣

十有五年正月公如齊諸侯五年再相廟禮也

二十年夏鄆子來朝

二十二年三月鄭伯如楚

二十四年宋及楚平宋成公如楚

二十七年春杞子來朝杞桓公也用夷禮故曰子

先杞

代之後而迫於東夷風俗雜壤言語衣服有時而夷今稱朝者始用周禮終而不全故貶其爵

公卑

杞杞不其也

二十八年秋公子遂如齊

聘也

二十九年春介葛盧來朝舍于昌衍之上

魯縣東南有昌平城

公在會饋之芻米禮也

嫌公行不當致饋故曰禮也

冬介葛盧來

以未見公故後來朝禮之加燕好

三十年冬東門襄仲

公子遂也

將聘于周遂初聘于晉

公

命襄仲聘周未行故曰將又命自周聘晉故曰遂曾始聘晉故曰初

三十一年春取濟西田分曹地也

晉文討曹分其地以賜諸侯

子遂如晉拜曹田也

三十二年春楚鬬章請平于晉晉陽處父報之晉楚

始遠

陽處父晉大夫晉楚自春秋以來始交使命為和同

三十三年齊國莊子來聘自郊勞至于贈賄禮成而

加之以敬

迎來曰郊勞送去曰贈賄敬審于事

臧文仲言於公曰國子

為政齊猶有禮君其朝焉臣聞之服於有禮社稷之

衛也冬公如齊朝且吊有狄師也

狄侵齊也

文公元年冬十月穆伯如齊始聘焉禮也

穆伯公孫敖

君即位卿出竝聘踐修舊好要結外援踐猶履行也好事

鄰國以衛社稷忠信卑讓之道也忠德之正也信德

之固也卑德之基也

三年春衛侯如陳拜晉成也二年陳侯如衛請成于晉

冬公如晉

四年春晉人歸孔達于衛以為衛之良故免之三年衛執

孔達以夏衛侯如晉拜謝歸孔達

曹伯如晉會正會授貢賦之政也傳言襄公能繼文之業而諸侯服從

秋衛侯使甯俞來聘

五年夏公孫敖如晉

冬晉陽處父聘于衛

六年春臧文仲以陳衛之睦也欲求好于陳

夏季文子聘于陳

秋季文子如晉

九年冬楚子使椒來聘椒子越椒也椒不書姓史畧文

十一年秋曹文公來朝即位而來見也襄仲聘于宋

且言司城蕩意諸而復之八年意諸來奔因賀楚師之不害

往來楚次厥貉將以伐宋

十二年春杞桓公來朝始朝公也秋滕昭公來朝亦

始朝公也

秋秦伯使西乞術來聘且言將伐晉

十四年冬公如晉朝禮也諸侯五年再相朝以脩王

命古之制也

十七年冬襄仲如齊拜穀之盟

六月公及齊侯盟于穀

十八年秋襄仲莊叔如齊惠公立故且拜葬也

襄公賀惠

公立莊叔謝齊來會葬

宣公元年夏東門襄仲如齊拜成

齊侯與公會于平州以定公立故襄

仲如齊謝得會也

四年秋公如齊

五年春公如齊

九年春公如齊

十年春公如齊齊侯以我服故歸我齊西之田

公比年朝

齊政

夏齊惠王卒公如齊奔喪

公親奔喪非禮也公出朝會奔喪會葬皆書如不言

其事史之嘗也

秋季文子初聘齊

齊侯初即位

冬子家如齊伐邾故也

魯侵小恐為齊所討故往謝

國武子來朝

報聘

十四年秋楚子圍朱孟獻子言於公曰臣聞小國之

免於大國也聘而獻物

物玉帛皮幣也

於是有庭實旅百

主人

亦設籩豆百品朝而獻功 獻其治國若征於 於是有容

貌采章嘉淑而加貨容貌威儀容顏也采章車服文章也嘉淑令辭稱贊也加貨命

宥幣帛也言往謀其不免也謀而薦賄則無及也 追薦

也見責而往今楚在宋君其圖之公說明年春公孫

歸父會楚于宋

成公三年夏公如晉拜汶陽之田前年晉侯齊歸魯汶陽田故

冬十一月晉侯使荀庚來聘衛侯使孫良夫來聘

十二月齊侯朝於晉將授玉行朝禮 卻克趨進曰此行

也君為婦人之笑辱也寡君未之敢任言齊侯之來以謝婦人之

笑非為修好故云 一云齊頃公朝晉欲尊上晉景公

晉景公不敢受乃歸

四年春宋公使華元來聘通嗣君也朱共公即位

三月杞伯來朝

夏公如晉晉侯見公不敬秋公至自晉欲求成於楚

而叛晉季文曰不可乃止

五年春孟獻子仲孫獲也如宋報華元也

六年春鄭伯如晉拜成謝前年再盟

夏邾子來朝

魯公孫嬰齊如晉

冬季文子如晉賀遷也四月晉去故絳遷于新田

七年夏曹宣公來朝

冬衛侯如晉晉反戚焉

戚衛孫林父邑林父去奔晉戚隨屬晉

八年春公孫嬰齊如莒

宋公使華元來聘

九年冬楚子使公子辰如晉請修好結成

十年春晉使糴茂如楚報太宰子商之使也

子商楚公子辰

秋公如晉

十一年春晉侯使卻犇來聘夏季文子如晉報聘

秋叔孫僑如

宣伯也

聘于齊以修前好

鞅以前之好

十一年秋晉卻至如楚聘

冬楚公子罷如晉聘

報卻至

十八年春晉悼公即位公如晉朝嗣君也

夏公至自晉晉范宣子來聘且拜朝也

拜謝公朝

君子謂

晉於是乎有禮

有卑讓之禮

秋杞桓公來朝勞公且問晉故公以晉君語之

語其德政

杞伯於是驟朝于政而請為婚

八月邾宣公來朝即位而來見也

襄公元年九月邾子來朝禮也

邾宣公

冬衛子叔晉知武子來聘禮也凡諸侯即位小國朝

之大國聘焉以繼好結信謀事補闕禮之大者也

二年七月穆叔聘於宋通嗣君也

三年春公如晉始朝也

公即位而朝

孟獻子相公稽首

相儀

也稽首首至地也

知武子曰天子在而君辱稽首寡君懼矣

稽首事天子之禮

孟獻子曰以敝邑介在東表密邇仇讐

仇讐

謂齊楚與晉爭

寡君將君是望敢不稽首

傳言獻子能固事盟主

四年三月穆叔如晉報知武子之聘也

武子聘在元年

冬公如晉聽政

受貢賦多少之政

晉侯享公公請屬鄆

鄆小國也

欲得使屬魯如須句顯史之北使助魯出貢賦公時年七歲蓋用昔為之言鄆今琅邪鄆縣

晉侯

不許孟獻子曰以寡君之密邇於仇讐而願固事君

無失官命

晉侯徵發之命

鄆無賦於司馬

晉司馬又掌諸侯之賦

為執

事朝夕之命敝邑敝邑褊小闕而為罪

闕不共也

寡君是

以願借助夫

借鄆以自助

晉侯許之五年夏穆叔覲鄆太

子于晉以成屬鄆

覲見也前年屬請鄆故鄆太子巫如晉以成之

書曰叔孫

豹鄆太子巫如晉言比諸魯大夫也

豹與巫俱受命於魯經不書及

比之魯大夫

五年夏鄭子國來聘通嗣君也

鄭僖公初即位

六年秋滕成公來朝始朝公也

冬穆叔如邾聘且修平

平四年狐駘戰

七年春邾子來朝始朝公也

夏小邾穆公來朝亦始朝公也

亦邾子也

秋季武子如衛報子叔之聘且辭緩報非貳也

子叔聘在

元年言國家多難故不時報

冬衛孫文子來聘且拜武子之言

緩報非貳之言

八年春公如晉朝且聽朝聘之數

晉悼復修伯業故朝而稟其多少

冬晉范宣子來聘且拜公之辱

謝公春朝

告將用師于鄭

九年夏季武子如晉報宣子之聘也

宣子聘在八年

十二年夏晉士魴來聘且拜師

謝前年伐鄭師

冬公如晉朝且拜士魴之辱禮也

士魴在此年夏嫌君臣不敵故禮之

十三年春公至自晉孟獻子書勞于廟禮也

十五年春宋公使向戌來聘

十六年冬穆叔如晉聘且言齊故

言齊伐魯

十八年春白狄始來

白狄狄之別名宋嘗與魯接故曰始

十九年二月季武子如晉拜師

誠討齊

二十二年秋齊子

叔左也

初聘于齊禮也

齊魯有怨朝聘禮絕今始復通

故曰初繼好息民故曰禮

冬季武子如宋報向戌之聘也

聘在十五年

二十一年春公如晉拜師及取邾田也

謝十八年伐齊之師齊水

之

冬曹伯來朝始見也

即位三年始來見公

二十有四年春叔孫豹如晉

賀免欒氏

二月鄭伯朝晉且請伐陳也鄭伯稽首宣子辭子西

相曰陳國之介恃大國而陵虐於敝邑介因也大國

君是以請罪焉謂得罪于陳也敢不稽首為明年鄭人陳傳

夏齊侯既伐晉而懼欲見楚子楚子使遠啓疆如齊

聘且請期請會期

冬鄭行人公孫揮如晉聘

二十五年十月鄭子辰相鄭伯如晉拜陳之功謝晉受茅

功六月公孫命之師師入陳子產獻陳捷下晉晉受之

二十有六年夏晉侯使荀吳來聘荀吳偃子召公也召公為澶

淵也

六月衛侯如晉晉人執之鄭伯為衛侯故如晉晉侯

許歸衛侯秋七月鄭伯歸自晉請衛侯歸使子西如晉聘

辭曰寡君來煩執事懼不免於戾言自懼失敬於大國而得罪使

夏謝不敏夏子西名君子曰善事大國將求於人必先下之言鄭所以能自

安

二十七年春齊侯使慶封來聘景公即位通嗣君也

二十八年夏齊侯陳侯蔡侯北燕伯杞伯胡子沈子

白狄朝于晉宋之盟故也二十七年晉楚同盟于宋日晉楚之從交相見也故

楚屬陳蔡故泥朝晉齊侯將行慶封曰我不與盟何為如晉陳

文子曰先事後賄禮也事大國當先從其政事而後薦賄以副已心小事

大未獲事焉從之如志禮也言當從大國請雖不與

盟敢叛晉平重丘之盟未可忘也子其勸行

邾悼公來朝時事也來朝非宋盟宋盟

秋孟孝伯仲孫如晉告將為宋之盟故如楚也

九月鄭游吉如晉告朝于楚以從宋之盟子產相鄭

伯如楚舍不為壇至敵國郊除地封外僕言曰昔先

大夫相先君適四國未嘗不為壇外僕掌自是至今

亦皆循之今子草舍無乃不可乎子產曰大適小則

為壇小適大苟舍其已焉用壇僑聞之大適小有五

美宥其罪戾赦其過失救其菑患賞其德刑刑法教

其不及小國不困懷服如歸是故作壇以昭其功宣

告後人無怠於德怠懈小適大有五惡說其罪戾自

說也請其不足行其政事奉行大供其職貢從其時命

從朝會不然則重其幣帛以賀其福而吊其凶皆小

國之福也焉用作壇以昭其禍所以告子孫無昭禍

焉可也無昭禍以

十二月魯襄公為宋之盟故公及宋公陳侯鄭伯許

男如楚及漢楚康王卒公欲反叔仲昭伯曰我楚國

之為豈為一人行也昭伯叔子服惠伯曰君子有遠

慮小人從邇邇近饑寒之不恤誰遑其後遑暇不如

姑歸也叔孫穆子曰叔仲子專之矣言足子服子始專任

學者也言未識遠榮成伯曰遠圖者忠也成伯榮駕鵝公遂行

從昭伯謀宋向戌曰我一人之為非為楚也饑寒之不恤

誰能恤楚姑歸而息民待其立君而為之備宋公遂

反也

二十九年五月晉范獻子來聘土鞅也拜城祀也謝魯為城

祀

吳子使公子季札來聘通嗣君也吳子餘祭嗣立故遂聘齊

鄭適衛自衛適晉

冬孟孝伯如晉報范叔也范叔士鞅也此年夏來聘

三十年春王正月楚子使遠罷來聘通嗣君也邾敖即位

三十一年十月鄭子產相鄭伯以如晉子皮使印段

如楚以適晉告禮也得事大國之禮

十一月吳子使屈狄庸聘于晉通路也通吳晉之路

十二月衛北宮文子相衛襄公以如楚文子北宮佗襄公獻公子

宋之盟故也晉楚之從交相見也過鄭印段逆勞于棐林如聘

禮而以勞辭文子入聘報印段子羽為行人馮簡子與

子太叔逆客事畢而出言于衛侯曰鄭有禮其數世

之福也其無大國之討乎

昭公元年春楚公子圍聘于鄭伍舉為介

冬楚公子圍將聘于鄭伍舉為介未出境聞王有疾而還伍舉遂聘

十一月鄭游吉如楚葬邲敖且聘立君

邲敖楚子樂

二年春晉侯使韓起來聘

公即位故

且告為政而來見禮

也遂如齊自齊聘于衛

四月叔弓聘于晉報韓宣子也

宣子韓起也

秋晉少姜卒公如晉及河晉侯使士文伯來辭曰非

伉儷也

晉侯溺於所幸為少姜行夫人之服故諸侯吊不敢以私煩諸侯故止之

請君無

辱公還季孫宿遂致服焉

致少姜之隧服

十一月鄭印段如晉

吊少姜

三年正月鄭游吉如晉送少姜之葬梁丙與張趯見

之

二子皆大夫

梁丙曰甚矣哉子之為此來也

卿共妾葬過甚禮

子太叔曰將得已乎

言不得止

昔文襄之霸也

晉文公襄公

其

務不煩諸侯三歲而聘五歲而朝有事而會不協而

盟

明王之制歲聘間朝在十三年今簡之

君薨大夫吊卿共葬事夫人

士吊大夫送葬

先王之制諸侯之喪士吊大夫送葬在三十年蓋時俗之制故文襄雖節

之猶過於古

足以昭禮命事謀闕而已

朝會以昭禮盟會以謀闕

無加

命矣

命有常

今嬖寵之喪不敢擇位而數於守適

不敢以其

臣卑而令禮教加守適夫人然則時適夫人之喪送葬之禮已過文襄之制

唯懼獲戾豈

敢憚煩少姜有寵而死齊必繼室

繼室復薦女

今茲吾又

將來賀不唯此行也

夏四月陳伯如晉公孫段相甚敬而卑禮無違者

秋七月鄭罕虎如晉賀夫人且告曰楚人日徵敝邑

以不朝立王故楚靈王新立敝邑之往則畏執事其謂寡

君而固有外心其不往則宋之盟云云交相見進退罪也

寡君使虎布之布陳也宣子使叔向對曰君若辱有寡

君在楚何害修宋盟也君苟思盟寡君乃知免於戾

矣君若不有寡君雖朝夕辱於敝邑寡君猜焉猜疑也

君實有心何辱命焉言若有事晉心至楚可不須告君其往也苟有

寡君在楚猶在晉也

小邾穆公來朝季武子欲卑之不欲以諸侯待之穆叔曰不

可曹滕二邾實不忘我好敬以逆之猶懼其二又卑

一睦焉一睦謂小邾逆群好也其如舊而加敬焉志曰能

敬無灾又曰敬逆來者天祈福也季孫從之

五年春公如晉即位而往見自郊勞至于贈賄往有郊勞去有贈賄

無失禮揖讓之禮晉侯謂女叔齊曰魯侯不亦善於禮乎

六年夏季孫宿如晉拜莒田也

六月楚公子棄疾如晉報韓子也報前年韓起送女

九月徐儀楚儀楚徐大夫聘于楚

冬叔弓如楚聘且弔敗也弔為吳所敗

十一月齊侯如晉請伐北燕也

告盟

士句相士鞅逆

諸河禮也

士句晉大夫相為介得敬逆來者之禮

七年春三月公如楚楚子成章華之臺願與諸侯落

之

宮室始成祭之為落臺今在華容城內

太宰遠啓疆曰臣能得魯侯

遠啓疆來召公辭曰昔先君成公命我先大夫嬰齊

曰吾不忘先君之好將使衡父昭臨楚國鎮撫其社

稷以輯寧爾民嬰齊受命于蜀

蜀盟在成二年衡父衡公

奉承以

來弗敢失隕而致諸宗祧

言奉成公此語以告宗廟

曰我先君共

王引領北望日月以冀

冀魯朝

傳序相授於今四王矣

四王共康

嘉惠未至唯襄公之辱臨我喪

襄公二十八年如楚

臨康

孤與其二三臣悼心失圖

在哀喪故

社稷之不遑况

能懷思君德

暹暇也言有大喪多不暇

今君若步玉趾辱見寡君

趾足也

寵靈楚國以信蜀之後致君之嘉惠是寡君既

受貺矣何蜀之敢望

言但欲使君來不敢望如蜀復有質子

其先君鬼

神實嘉賴之豈唯寡君君若不來使臣請問行期

問魯

其伐之期

寡君將奉質幣而見于蜀以請先君之貺

請問也

公將往夢襄公祖

祖祭家神

梓慎曰君不果行襄公之適

國也夢周公祖而行今襄公實祖君其不行子服惠

伯曰行先君未嘗適楚故周公祖以道之襄公適楚

矣而祖以道君不行何之三月公如楚四月鄭子產

聘于晉

八年夏叔弓如晉賀虎祁也賀宮成

游吉相鄭伯如晉亦賀虎祁也史趙見子太叔曰甚

哉其相蒙也蒙欺也可弔也而又賀之子太叔曰若何

弔之其非唯我賀將天下實賀言諸侯畏晉非獨鄭

九年八月孟僖子如齊殷聘禮也自叔老聘齊至今二十年禮意久曠

今修成聘以無忘舊好故曰禮

十年秋七月晉平公鄭伯如晉及河晉人辭之游吉

遂如晉禮諸侯不相弔故辭九月叔孫諾齊國弱宋華定衛北

宮嘉鄭罕虎許人曹人莒人邾人滕人杞人小

邾人如晉葬平公也經不書諸侯大夫者非盟會

十一年春王正月叔弓如宋葬平公也

十二年夏宋公使華定來聘通嗣君也宋元公新即位齊侯

衛侯鄭伯如晉朝嗣君也晉昭公新立

十三年楚平王使枝如子躬聘于鄭且致犖櫟之田

冬公如晉荀吳謂韓宣子曰諸侯相朝講舊好也執

其卿八月平丘之會公不與盟晉人執季孫意如而朝其君有不好焉不

如辭之乃使士景伯辭公于河

十五年冬公如晉平丘之會故也平丘會公不與盟季孫見執今既得

免故往謝之

十六年三月晉韓起聘于鄭

冬季平子如晉葬昭公

十七年春小邾穆公來朝秋邾子來

十九年五月楚令尹子瑕聘于秦

二十年齊侯使公孫青聘于衛

二十有一年夏晉侯使士鞅來聘

冬公如晉及河鼓叛晉

將有軍事無暇于

一十二年晉執叔孫婍公為叔孫故如晉及河有疾

而復

此年春晉謂邾人執叔孫故公如晉謝之

二十四年六月鄭伯如晉子太叔相

二十五年春叔孫婍聘于宋

二十七年吳子使延州來季子聘于上國

季子本封延陵後

封州來故曰延州來

遂聘于晉以觀諸侯

觀疆

定公十年冬叔孫武叔

名州仇

聘于齊

十五年春正月邾子來朝

隱公也

哀公二年四月滕子來朝

二十五年五月越人始來

越既勝吳郤霸中國始遣使適晉

二十三年秋八月叔青如越始使越也越諸鞅來聘

報叔青也

二十四年閏月公如越

二十七年越子使后庸來聘

魏惠王十五年魯衛宋鄭來朝

哀王十二年太子朝于秦

趙武靈王元年梁襄王與太子嗣韓宣王與太子倉

來朝信宮

韓襄王十年太子嬰朝秦而還

徐廣曰與秦會臨晉因至咸陽而還

十二年齊魏王來朝

秦成公元年梁伯芮伯來朝

惠文君元年楚韓趙蜀人來朝

後三年韓魏太子來朝

昭襄王五年魏王來朝

楚考列王十二年春昭王卒楚王使春申君吊祠于

秦

姻好

夫婚姻者合二姓之好上以為宗廟下以為繼後世者也則有受分器之重居秉圭之位修先君之好結大國之援因其嘉會申以同盟玉帛之用斯備榛栗之贄是修以奉其粢盛以章乎物采成冕迎之重崇廟見之儀所以篤其惠好為之與國至於不由禮以

加伐止其君而強求貽後世之譏非好逑之義禮之失者其在茲乎

魯惠公元妃孟子

言元妃明始適夫人也子宋牼

孟子卒繼室以聲

子

蓋孟子之姪娣也諸侯始聚則同姓之國以姪娣媵元妃死則次妃攝治內事不得稱夫人故謂之

繼室

宋武公生仲子仲子生而有文在其手曰為魯夫人

故仲子歸于我

婦人以嫁曰歸以手理自然成字有若天命欲嫁之於魯

十四年衛莊公娶于齊東宮得臣之妹曰莊姜

得臣齊太

子也太子不敢居上位故嘗處東宮

美而無子衛人所為賦碩人也

碩人

詩義取莊姜美于色賢于德而不見答終以無子國人憂之

又娶于陳曰厲嬀生

孝伯早死

陳今陳國陳縣

隱公二年九月紀裂繻來逆女

裂繻紀大夫卿為君逆也

冬十月

伯姬歸于紀

伯姬魯女裂繻所逆者

七年陳鄭平鄭公子忽在王所故陳侯請妻之

以忽有王

寵故也

鄭伯許之乃成婚八年四月甲辰鄭公子忽如

陳逆婦嬀辛亥以嬀氏歸甲寅入于鄭陳鍼子送女

先醜而後祖鍼子曰是以不為夫婦誣其祖矣非禮

也何以能育

鍼子陳大夫禮逆婦必先告祖廟而後行鄭忽先逆婦而後告廟故曰先醜而

後祖

桓公三年春公會齊侯于贏成婚於齊也

公不由媒介自與齊

侯會而成婚非禮也秋公子翬如齊逆女修先君之好故曰公

子婚禮雖奉時君之命其言必稱先君以為禮辭故公子翬逆女傳稱修先君之好公子遂逆女傳稱

尊君命互舉其義齊侯送姜氏非禮也凡公女嫁於敵國姊

妹則上卿送之以禮于先君公子則下卿送之於大

國雖公子亦上卿送之於天子則諸卿皆行公不自

送於小國則上大夫送之冬齊仲年來聘致夫人也

古者女出嫁又使大夫隨加聘問存謙敬序殷勤也

在魯而出則曰致女在他國而來則總曰聘故傳必

致夫人十年冬十有二月丙午齊侯衛侯鄭伯來戰于郎公

之未昏於齊也齊侯欲以文姜妻鄭太子忽太子忽

辭人問其故太子曰人各有耦齊大非吾耦也詩云

自求多福詩大雅文王言求在我而已大國何為君

子曰善自為謀言獨潔其身及其敗戎師也齊侯又

請妻之欲以他女妻之固辭人問其故太子曰無事於齊吾

猶不敢今以君命奔齊之急而受室以歸是以師昏

也民其謂我何言民見怪於我遂辭諸鄭伯假我之命以為辭

莊公十年夏六月蔡哀侯娶于陳息侯亦娶焉息媯

將歸過蔡蔡侯曰吾媯也妻之姊止而見之弗賓不禮

也敬息侯聞之怒使謂楚文王曰伐我吾求救於蔡而

伐之楚子從之



十一年冬王姬歸于齊

魯主婚也齊侯逆不見公

十二年三月紀叔姬歸于鄫

紀侯去國而死叔姬歸魯紀季自定于齊而後

歸之

二十四年夏公如齊逆女秋哀姜至公使宗婦覲用

幣非禮也御孫曰男贄大者玉帛

公侯伯子男執玉諸侯世子附庸孤

卿執帛

小者禽鳥

卿執羔大夫執鴈士執雉

以章物也

章所執之物別貴賤女

贄不過榛栗棗修以告虔也

榛小栗修脯虔敬也皆取其名以示敬今

男女同贄是無別也男女之別國之大節也而繇夫人亂之無乃不可乎

僖公二十四年三月晉侯迎夫人嬴氏以歸

秦穆公文嬴之

兄

初晉懷公自秦逃歸秦伯召晉公子重耳于楚楚

子厚幣以送公子于秦秦伯歸女五人懷嬴與焉公

子使沃盥既而揮之嬴怒曰秦晉匹也何以卑我公

子懼降服用命

用命自四以聽命

秦伯見公子曰寡人之嫡

此為才子圉之辱備嬪嬙焉欲以成昏而懼離其惡

非此則無故不敢以禮致之歡之故也公子有辱寡

人之罪也唯命是聽公子欲辭司空季子曰同姓為

兄弟黃帝之子二十五人其同姓者二人而已唯青

陽與夷鼓皆為己姓昔少典娶于有蟠氏生黃帝炎

帝黃帝以姬水成炎帝以姜水成成而異德故黃帝

為姬炎帝為姜二帝用師以相濟也異德之故也異
 姓則異德異德則異類異類雖近男女相及以生民
 也同姓則同德同德則同心同心則同志同志雖遠
 男女不相及畏驢敬也驢則生怨怨亂毓災災毓滅
 姓是故娶妻避其同姓畏亂災也故異德合姓同德
 合義今子于子圉道路之人也言德姓不同也取其所棄以
 濟大事不亦可乎公子謂子犯曰何如對曰將奪其
 國何有於妻唯秦所從命也謂子餘曰何如對曰禮
 志有之曰將有請於人必先有入焉欲人之愛已也
 必先愛人欲人之從已也必先從人今將昏媾以從

秦受好以愛之聽從以德之懼其未可也又何疑焉
 乃歸女而納幣且逆歸女納幣更主昏禮逆親迎也至是重耳返國
 故逆以歸焉

二十五年夏四月宋蕩伯姬來逆婦伯姬魯女為宋夫人蕩氏妻也

自謂其子來逆稱婦姑存之辭婦人越境逆女非禮

三十有一年冬杞伯姬來求婦自為其子成昏

文公二年冬襄仲如齊納幣禮也凡君即位好舅甥

修昏姻娶元妃以奉粢盛孝也謂諒闇既終嘉好之事通于内外之禮始

備禮比除凶即位也於是遣卿申好舅甥之國孝禮

之始也



四年夏逆婦姜于齊

稱婦有姑之辭

卿不行非禮也

禮諸侯有故則

使卿

宣公元年春正月公子遂如齊逆女尊君命也

諸侯之卿

出入稱名氏所以尊君命也傳於此廢者與還文不同故釋之

三月遂以夫人歸姜

至自齊尊夫人也

遂不言公子替其尊稱所以成小君之尊也公子當時之寵號非族也故傳不言舍族

五年春公如齊高固使齊侯止公請叔姬焉

留公疆成昏

成公八年冬衛人來媵共姬禮也凡諸侯嫁女同姓

媵之異姓則否

必以同姓者三骨肉至親所以息陰訟

九年夏季文子如宋致女

女加三月又使大夫隨加聘問請之至女所以致成

婦禮篤昏姻之好

十一年春聲伯之母不聘

聲伯之母叔矜之妻不聘無媒禮

穆姜曰

吾不以妾為姒

昆弟之妻相謂為姒穆姜宣公夫人宣公聘同母昆弟

生聲伯

聲伯以其外弟為大夫

外弟管子奚之子為魯大夫

而嫁其外妹

於施孝叔

孝叔魯惠公五世孫

卻擊來聘求婦於聲伯聲伯奪

施氏婦以與之婦人曰鳥獸猶不失儷

儷也

子將若

何曰吾不能死

言不與卻擊婦懼能忿致禍

婦人遂行生二子

於卻氏

十四年秋宣伯如齊逆女稱族尊君命也九月僑如

以夫人歸姜氏至自齊舍族尊夫人也

舍族謂不稱叔孫

昭公二年春晉侯使韓宣子如齊納幣

為平公納少姜

夏韓

須如齊逆女

逆少姜

齊陳無宇送女致少姜少姜有寵

於晉侯晉侯謂之少齊秋少姜卒

三年正月齊侯使晏嬰請繼室於晉

復以女繼少姜

曰寡人

願事君朝夕不倦將奉質帛以無失時則國家多難

是以不獲

不得自來

不腆先君之適

謂少姜

以備內官焜燿

寡人之望則又無祿早世隕命寡人失望君若不忘

先君之好惠顧齊國辱收寡人徼福於太公丁公

微要

也二公齊先君言收恤寡人則先君與之福也

照臨敝邑鎮撫其社稷則猶

有先君之適

適夫人之女

及遺姑姊妹

遺餘也

若而人

言如宵人

不敢

君若不棄敝邑而辱使董振擇之以備嬪嬙寡

人之望也

董正也振整也嬪嬙婦言

韓宣子使叔向對曰寡君之

望也寡君不能獨任其社稷之事未有仇儷在縗紵

之中是以未敢請

制夫人服則葬訖君臣乃祥服

君有辱命惠莫大

焉若惠顧敝邑撫有晉國賜之內主豈唯寡君舉國

群臣實受其貺其自唐叔以下實寵嘉之

唐叔晉之祖

既

成昏

許昏成

晏子受禮

受賓享之禮

叔向從之宴

五月晉韓起如齊逆女

為平公逆

公孫蠆為少姜之有寵

也以其子更公女而嫁公子

更嫁主女

人謂宣子子尾欺

晉晉胡受之宣子曰我欲得齊而遠其寵寵將來乎

寵謂子尾

五年正月楚子以屈生為莫敖生屈建子使與令尹子蕩

如晉逆女過鄭鄭伯勞子蕩于汜勞屈生于菟氏汜菟

氏皆鄭地晉侯送女于邢丘子產相鄭伯會晉侯于邢丘

言楚強諸侯畏敬其使

秦厲共公二十八年越人來迎女

楚惠王七年迎婦於秦

頃襄王六年秦使白起伐韓於伊闕斬首二十四萬

秦乃遺楚王書曰楚倍秦秦且率諸侯伐楚楚王患

之乃謀復與秦平七年楚迎婦於秦秦楚復平

古四年頃襄王與秦昭王好會于宛結和親

懷王二十四年秦來迎婦

齊湣王四年迎婦于秦

趙武靈王五年娶韓女為夫人

册府元龜
 類好
 卷之二百四十五
 淮南李嗣京叅閱
 西極文翔鳳訂正
 豫章黃國琦較釋
 盟會
 列國君部

冊府元龜

淮南李嗣京叅閱

西極文翔鳳訂正

豫章黃國琦較釋

列國君部

盟會

傳稱誥誓不及五帝盟詛不及三王自周室東遷諸
 侯力政疆陵弱大侵小或夷狄交亂於中國或霸王
 臨長於庶邦繇是坎牲歃血之事作矣若夫稱之以
 先代要之以明神形於載書以著其信誓及後世以

圖其終固宜守之而勿淪奉之而可久其或假璧易田乃成於詐讓捧盤執耳或至於紛紜可尋可寒逮乎長亂是糾是殛垂之空言自非仗仁義之名保丹青之誓恤病討貳以存亡國而討不睦勤王尊主以翼天子而訓諸侯苟異於斯亦鮮以濟

魯隱公元年三月公及邾儀父盟於笈笈姑笈魯地在姑笈城

公攝位而欲求好於邾故為笈之盟儀父邾子未奉王命

故不書爵

九月及宋人盟于宿客主無名皆微者也宿小國東平無鹽縣也始通也

初惠公之季年敗宋師于黃公立而求成焉故曰始通也

二年春公會戎于潛戎狄蠻夷皆氏羗之別種也戎而書會者順其俗以為禮皆謂居中國若戎子駒支陳留齊陽縣東南有戎城潛魯地

脩惠公之好也戎請盟

公辭許其脩好而不許其盟

八月公及戎于唐高平力與縣北有武唐亭復脩戎好也

冬十月紀子帛莒子盟于密魯故也子帛裂繡子也莒魯有怨紀侯

既昏於魯侯大夫盟莒以和解之子帛為魯結好息民故曰魯故也密莒邑淳于城陽縣東北有密繩

三年十二月齊侯鄭伯盟于石門石門齊地或曰濟北盧縣故城西南

尋盧之盟也

四年春公與宋公為會將尋宿之盟未及期衛人來

告亂夏公及宋公過于清宿盟在元年

六年五月公會齊侯盟于艾泰山牟縣東南有艾山始平于齊

也春秋前魯與齊不平今乃棄惡脩好故言始平于齊

七年夏齊侯使夷仲年來聘艾之盟也艾盟在六年

秋宋及鄭平七月盟于宿

冬陳及鄭平六年鄭侵陳大獲今乃平十二月陳五父如鄭蒞盟

蒞臨志不在於歆血壬申及鄭伯盟歆如忘洩伯曰五父不

免不賴盟矣洩伯鄭洩駕鄭良佐如陳蒞盟良佐鄭大夫辛巳

及陳侯盟亦知陳之將亂也

八年春齊侯將平宋衛平宋衛於鄭有會期宋公以幣請

於衛請先相見宋敬齊命衛侯許之故遇於大丘夏齊人

卒平宋衛於鄭秋會于溫盟于瓦屋以釋東門之役

禮也定國息民故曰禮也平宋衛二國忿鄭之謀

八月公及莒人盟于浮來以成紀好也二一年紀莒盟于密為魯故

今公尋之故日以成紀好

冬齊侯使來告成三國齊侯冬來告稱必和三國公使衆仲對曰

君釋三國之圖以鳩其民君之惠也寡君聞命矣敢

不承受君之明德

九年七月公會齊侯于防防魯地在琅邪莘縣南時宋公不王

不供王職鄭伯為王佐卿士以王命討之伐宋宋以入鄆

之役怨公不告命入鄆在五年公以七年伐鄆欲以說宋而宋猶不和也公怒

絕宋秋鄭人以王命來告伐宋故會防以謀伐宋

十年三月公會齊侯鄭伯于中丘盟于鄧為師期九

年會防謀伐宋鄭魯地五月羽父先會齊侯鄭伯伐宋

六月公會齊侯鄭伯于左桃左桃宋地

十一年夏公會鄭伯于時來時來邾也榮陽縣東有釐城鄭地謀伐

許也鄭伯將伐許七月公會齊侯鄭伯伐許

桓公元年春公即位脩好于鄭鄭人請復祀周公卒

易祊田公許之三月鄭伯以璧假許田為周公祊故

也魯不宜聽鄭祀周公又不宜易取祊田犯二不宜以動故隱其實不言祊稱璧假言若進璧以假田

非久易也四月公及鄭伯盟于越結祊成也結成二易田之事也傳以

經不書祊故獨見祊盟曰渝盟無享國冬鄭伯拜盟

二年七月蔡伯鄭伯會于鄧潁川召陵縣西南有鄧城始懼楚也

楚國今南郡江陵縣北紀南地也楚武王始僭號稱王欲害中國蔡鄭姬姓近楚故懼而會謀

九月公及戎盟于唐脩舊好也

三年正月公會齊侯于贏贏齊邑今太山贏縣成昏於齊也公不

由媒介自與齊侯會而成昏非禮也

夏齊侯衛侯胥命于蒲申約言以相命而不敢血也蒲衛地在陳留長垣縣西南

不盟也又公會杞侯于郕杞求成也二年入衛今求成也

六年四月公會杞侯于成成魯城在太山鉅平縣東南來諮謀齊

難也齊欲滅紀故來謀之

七年夏盟向求成于鄭既而背之

盟向二邑名隱十一年王以與鄭故

求與仲成

八月秋隨及楚平楚子將不許鬬伯比曰天去其疾

矣

去疾謂少師見獲而死

隨未可克也乃盟而還

十年秋公會衛侯于桃丘弗遇

衛侯與公為會期中背公更與齊鄭故公

獨往而不相遇也桃丘衛地齊北東阿縣東南有桃城

十一年春齊侯鄭宋盟于惡曹

惡曹地名

九月魯大夫柔會宋公陳侯蔡侯叔盟于析

蔡叔蔡大夫叔

名也析北地名

公會宋公于夫鍾

夫鍾成地

十二月公會宋十闕

闕魯地在東平須昌縣東南

十二年六月公會杞侯莒子盟于曲池平杞莒也

曲池

魯地魯國汶陽縣北有曲水亭隱四年莒人伐杞自是遂不平

公欲平宋鄭秋公及

宋公盟于句瀆之丘

句瀆之丘即一丘也宋公以立利公故多責賂於鄭鄭人不堪

故不平

宋成未可知也秋又會于虛冬又會于龜宋公

辭平故與鄭伯盟于武父

宋公貪鄭賂故與三會而卒辭不與鄭平

十四年春公會鄭公于曹

脩十二年武公之好以曹地曹與會

曹人致

餼禮也

熟日食生日餼

夏鄭子人來尋盟且脩曹之會

子人即弟

語也其後為子人氏

十五年六月乙亥昭公入許叔于許公會齊侯于艾

謀定許也

十一月公會宋公衛侯陳侯于袤謀伐鄭將厲公也

弗克而還前

十六年正月公會宋公蔡侯衛侯于曹謀伐鄭也前

冬謀納厲公不春既謀之今書會者魯言議納

四月公會宋公衛侯陳侯蔡侯伐鄭不正蔡嘗在衛上今序陳下蓋後至

十七年正月公會齊侯紀侯盟于黃黃齊地平齊紀且

謀衛故也齊欲滅紀衛逐其君

二月公會邾儀父盟于雒尋滅之盟也雒魯地稱字義與滅盟同

莊公三年秋紀季以鄫入于齊紀於是乎始判判分也言

分爲附庸始於此

冬公次于滑將會鄭伯謀紀故也鄭伯辭以難厲公在櫟

也故

四年三月楚武王伐隨令尹闞祁莫敖屈重除道梁

澆營軍臨隨隨人懼行成時秘王喪故爲奇兵更開直道澆水在義陽厥縣西

南東入鄭水梁橋也隨人不意其至故懼而行成莫敖以下命入盟隨侯且

請爲會于漢汭而還汭內也謂漢西

夏齊侯陳侯鄭伯遇于垂

九年春公及齊大夫盟于莒齊亂無君故大夫得敵於公蓋欲迎子糾也夾

者非一人故不稱名莒魯地琅邪緡縣北有莒亭

十三年春齊侯宋人陳人蔡人邾人會于北杏北杏齊地

以平宋亂宋有弑君之亂齊桓欲脩霸業

冬公會齊侯盟于柯此柯今濟北東河齊之阿邑猶祝柯今為祝柯始及齊

平也始與齊桓通好

十四年冬周大夫單伯會齊侯宋公衛侯鄭伯于鄆

鄆衛地今東郡鄆城也齊桓脩霸業卒平宋亂宋人服從欲歸功天子故赴以單伯會諸侯為文

十五年春齊侯宋公陳侯衛侯鄭伯會于鄆齊始霸

也始為諸侯長

十六年十二月會齊侯宋公陳侯衛侯鄭伯許男滑

伯滕子同盟于幽鄭成也書會魯會之不書其人微者也言同盟服異也陳國

小每盟會皆在衛下齊桓始霸楚亦始強陳侯介於二大國之間而為三恪之客故齊桓因而進之遂班在衛上終於春秋滑國都今在河南緱氏縣幽宋地

十九年秋公子結媵陳人之婦于鄆遂及齊侯宋公

盟公子結魯大夫公羊穀梁皆以為魯女媵陳侯之婦其稱陳人之婦未入國畧言也大夫出境有可

以安社稷利國家者則專之可也結在鄆間齊宋有會權事之宜去其本職遂與二君為盟故備書之

二十二年七月丙申及齊高侯盟于防高侯齊之貴卿而與魯之

二十三年夏公及齊侯遇于穀

十有二月公會齊侯盟于扈扈鄭地在滎陽巷縣西北

二十七年六月公會齊侯宋公陳侯鄭伯同盟于幽

陳鄭服也 二十二年齊亂而齊納敬二十五年鄭文公之四年獲成于楚皆有一心于齊今始也

也服

冬公會齊侯于城濮 城濮衛地將計衛也

二十八年秋荆伐鄭公會齊人宋人救鄭

三十年冬公及齊侯遇于魯濟 濟水歷齊魯界在齊界為齊濟在魯界為魯濟

魯濟蓋謀山戎也以其病燕故也 齊桓行霸故欲為燕討難燕國今蘇魯地

縣

三十二年春齊侯為楚伐鄭之故請會于諸侯 楚伐鄭在

二十八年謀宋公請先見于齊侯夏遇于梁丘 齊善宋之

請見故進其班梁丘在高平昌邑縣西南

閔公元年八月公及齊侯盟于落姑 落姑齊地 請復季友

也 閔公初立國家多難以季子忠賢故請霸王而復之 齊侯許之使召請陳公

次于郎以待之 非師旅之事 季子來歸嘉之也

二年冬齊高子來盟 蓋高侯也齊侯使來平魯亂僖公新立因遂結盟故不稱使也

魯人貴之故不書名子男子之美稱

僖公元年八月公會齊侯宋公鄭公曹伯邾人于榿

榿宋地陳國陳縣西北有榿城 盟于榿謀救鄭 榿即榿也地有二名

二年九月齊侯宋公江人黃人盟于貫服江黃也 貫宋

地梁國蒙縣西北有貫城貫與貫字相似江國在汲南安陽縣

三年秋齊侯宋公江人黃人會于陽穀謀伐楚也 陽穀

齊地在東平須昌縣北三年楚侵鄭故

齊侯為陽穀之會來尋盟冬公

子友如齊蒞盟

公時不會陽穀故齊侯自陽穀遣人也魯來尋盟魯使上卿詣齊受盟謙

也

四年正月公會齊侯宋公陳侯衛侯鄭伯許男曹伯

侵蔡潰齊侯以諸侯之師伐楚蔡師次于陘楚使屈

完如師完及諸侯盟于召陵

屈完楚大夫也楚子遣完如師以觀齊屈完觀

齊之盛因而求盟故不稱使以完來盟為文齊桓退舍以禮楚故盟召陵召陵潁川

冬十有二月公孫茲帥師會齊人宋人衛人鄭人許

人曹人侵陳

公孫茲叔牙子叔孫戴伯

五年夏公及齊侯宋公陳侯衛侯鄭伯許男曹伯會

王世子于首止

惠王太子鄭也不名而書會尊首也首止衛地陳留襄邑縣東南有首鄉

謀寧周也

惠王以惠后故將廢太子鄭而立王子八帶故齊桓帥諸侯會王太子以定其位

月諸侯盟于首止

復稱諸侯者王世子不盟故也王之世子尊與王同齊桓行霸翼戴

天子尊崇王室故殊貴世子

鄭伯逃歸不盟

六年夏公會齊侯宋公陳侯衛侯曹伯伐鄭以其逃

首止之盟故也

七年七月公會齊侯宋公陳世子欵鄭世子華盟于

甯母謀鄭也

高平方與縣東有甯母亭音如衛

八年春王正月公會王人齊侯宋公衛侯許男曹伯

陳世子欵盟于洮謀王室也

王人與諸侯盟不譏者王室有難故洮曹地

鄭伯乞盟請服也襄王定位而後發喪

王人會洮還而後王位定

九年夏公會宰周公齊侯宋子衛侯鄭伯許男曹伯

于葵丘尋盟且脩好禮也

周公宰孔也宰官周采也天子三公不字宋子襄公

也在喪公侯日子陳留外黃縣東有葵丘

九月齊侯盟諸侯于葵丘曰凡我同盟之人既盟之

後言歸于好

義取修好故顯其盟辭

宰孔先歸

既會先諸侯去

遇晉侯

曰可無會也

晉侯欲來會葵丘

齊侯不務德而勤遠略故北

伐山戎

在莊三

南伐楚

在四

西為此會也東略之不

知西則否矣

言或向東必不能復西畧

晉侯乃還

不復會齊

十三年夏公會齊侯宋公陳侯衛侯鄭伯許男曹伯

十鹹

鹹衛地東郡濮陽縣東南有鹹城

淮夷病祀故且謀王室也秋

為戎難故諸侯成周齊仲孫湫致之

戌守也致諸侯戌卒于周

十五年三月公會齊侯宋公陳侯衛侯鄭伯許男曹

伯于莊丘

莊丘地名

尋葵丘之盟且救徐也

十六年十二月公會齊侯宋公陳侯衛侯鄭伯許男

邢侯曹伯于淮

臨淮左右

謀鄆且東略也

鄆為淮夷所病故

十九年夏六月宋公曹人邾人盟于曹南

曹雖與盟而猶不服

不肯致餼無地主之禮故不以國地而曰南

鄆子會盟于邾

不及曹南之盟諸侯既罷

鄆乃會之于邾故不言如會

冬會陳人蔡人楚人鄭人盟于齊

於地

齊齊亦與盟

脩桓公之好也

二十年秋齊人狄人盟于邢為邢謀衛難也於是衛方病邢

二十一年春宋人齊人楚人盟于鹿上鹿上宋地汝陰有原鹿縣

宋為盟主故在齊人上以求諸侯於楚楚人許之公子目夷曰

小國爭盟禍也宋其亡乎幸而後敗謂軍敗績秋宋公楚

子陳侯蔡侯鄭伯許男曹伯會于孟孟宋地楚始與中國行禮會故

稱爵

二十五年冬衛人平莒于我十二月盟于洮脩衛文

公之好且及莒平也莒以元年麗之役怨魯衛文公將平之未及而卒成公追成父

志降名以行事故日脩文公之好

二十六年正月公會莒茲平公茲平時君之號莒美無謚以號為稱甯

莊子盟于向莊子甯速衛大夫向莒地尋洮之盟也

二十七年十二月公會諸侯盟于宋諸侯伐宋公與楚有好而往會

之非后期宋方見圍無嫌於與故有以宋地盟

二十八年二月晉侯齊侯盟于欽孟欽于孟衛地衛侯請盟

晉侯弗許

四月晉楚戰于城濮鄉役之三月鄉猶屬也城濮后之前三月鄭

伯如楚致其師為楚師既敗而懼使子人九行成于

晉子人氏九名晉欒枝入盟鄭伯

五月丙午晉侯及鄭伯盟于衡雍

丁未晉侯獻楚俘于王衛侯聞楚師敗懼出奔楚遂

適陳自襄牛出使元咺奉武叔以受盟奉使攝君事

癸亥王子虎盟諸侯于王庭踐土宮之庭書踐土則於京師要言曰

皆獎王室無相害也有渝此盟明神殛之裨除其師

無克祚國獎助也渝變也殛誅也及而玄孫無有老

幼君子謂是盟也信合義信

六月晉人復衛侯以叔武受盟于踐土故聽衛侯歸甯武子與衛人

盟于宛濮武子甯渝也陳留長洹縣西南有宛亭近濮水曰天禍衛國君臣

不協以及此憂也衛侯欲與楚國人不欲故不和也今天誘其衷衷中

也使皆降心以相從也不有居者誰守社稷不有行

者誰扞牧圉牛日牧馬日圉不協之故用昭乞盟於爾大神

以誘天衷自今日已往既盟之後行者無保其力居

者無懼其罪有渝此盟以相及也以惡相反明神先君是

糾是殛國人聞此盟也而後不貳言叔武之賢甯俞之忠衛侯所以書

復歸冬公會晉侯齊侯宋公蔡侯鄭伯陳子莒子邾子秦

人于温討不服也討衛許

二十九年夏公會王子虎晉狐偃宋公孫固齊國歸

父陳轅濤塗秦小子憇盟于翟泉翟泉今雒陽城內大倉西南池水也

尋踐土之盟且謀伐鄭也秦小子憇在蔡下者若宋向戌之後會卿不

册序元... 列國君部

卷之三十四

十二

晉罪之也

晉侯始霸翼戴天子諸侯輯睦王室無虞而王子虎下盟列國以故瀆大典諸侯大

夫上敵公侯虧禮傷教故貶諸大夫諱公與盟

在禮卿不會公侯會伯子男

可也

大國之卿當小國之君故可以會伯子男諸卿之見貶亦兼有此會故傳重發之

三十二年夏狄有亂衛人侵狄狄請平焉秋衛人及

狄盟

不地者就狄盧張盟

文公元年秋公孫敖會晉侯于戚

戚衛在頃丘衛縣西禮卿不會公侯

春秋魯大夫皆不貶者據用魯史成文而已

晉侯疆齊田故公孫敖會之

晉取衛田正其疆界

二年三月及晉處父盟

處父為晉正卿不能規君以禮而親與公盟故貶其族去

則非卿以微人常稱為耦以直厭不地者盟晉都

晉人以公不朝來討公如

晉四月晉使陽處父盟公以耻之

以大夫盟欲以耻辱魯也

六月公孫敖會宋公陳侯鄭伯及晉司空士穀盟于

垂隴

垂隴鄭地滎陽東有隴城士出盟諸侯受成於衛故貴而書名氏

晉討衛故也

討元年衛人伐晉士穀士薦子

書士穀堪其事也

晉司空非卿也士穀能堪卿士故書

三年春正月衛侯如陳拜晉成也

二年陳侯為衛請成于晉 秋晉

人懼其無禮於公也請改盟

改二年處父之盟

公如晉及晉

侯盟晉侯享公賦菁菁者莪

菁菁者莪詩小雅取其既見君子樂且有儀

莊叔以公降請拜

謝其以公比君子也

曰小國受命於大國敢

不慎儀君貺之大禮何樂如之抑小國樂大國之惠

也晉侯降辭

降階辭讓公

登成拜

俱還上成拜禮

公賦嘉樂

嘉樂詩大

雅取其顯顯令德宜民宜人受祿于天

七年八月公會諸侯晉大夫盟于扈

扈鄭地滎陽巷縣西有扈亭不

分別書會人總言諸侯晉大夫盟者公後會而及其盟

晉侯立故也冬徐伐莒

莒人來請盟穆伯如莒蒞盟

穆伯公孫敖

八年冬十月壬午公子遂會晉趙盾盟于衡雍乙酉

公子遂會雒戎盟于暴傳云晉人以扈之盟來討

前

盟扈公後至

冬襄仲會晉趙孟盟于衡雍報扈之盟也遂

會伊雒之戎

伊雒之戎將伐魯公子遂不及復君故專命與之盟

書曰公子遂

琮之也

十年七月及蘇子盟于女栗

女栗地名蘇子周卿士頃王新立故與魯盟親

諸侯也

十一年夏叔彭生會晉卻缺于承康

承康宋地在陳留襄邑縣西彭

生叔孫仲會伯卻缺冀缺

謀諸侯之從於楚者

九年陳鄭及楚平十年來聽楚命

十三年冬公如晉朝且尋盟衛侯會公于杏

杏地名請

平于晉公還鄭伯會公于棐

棐鄭地

亦請平于晉公皆

成之

鄭衛二於楚故因公請平

鄭伯與公宴于棐子家賦鴻鴈

子

鄭大夫公子歸生也鴻鴈詩小雅義取諸侯哀鰥寡有征行之勞言鄭國寡弱欲使魯侯還晉恤之

文子曰寡君未免於此

亦有同微弱之憂

文子賦四月

四月詩小

雅義取行役踰時思祭祀不欲為還晉

文家賦載馳之四章

載馳詩鄘風之四章

以下義取小國有急欲引大國以救助

文子賦采薇之四章

采薇詩小雅取其豈

敢定居一月三捷許

鄭伯拜

謝公為行

公答拜

十四年六月公會宋公陳侯衛侯鄭伯許男曹伯晉

趙盾同盟于新城

新城宋地在梁國穀熟縣西

從於楚者服

從楚者陳

鄭

十五年三月宋司馬華孫來盟

華孫奉使隣國能臨事制宜至魯而後定

盟故不稱使其官

貴之也

古之盟會必備威儀崇贄幣賓主以成禮為敬故曰

卿行旅從春秋時率多不能備威儀華孫能率其屬以從古典所以敬事而自重使重而敬事則魯尊而

體篤故貴而不名

公與之宴辭曰君之先臣督得罪於宋殤

公名在諸侯之策臣承其祀其敢辱君

謂華督魯孫也督殺殤公

在桓二年耦自以罪人子故不敢屈魯君對其宴會

請承命於亞旅

亞旅上魯大夫

人以為敏

無故揚其先祖之罪是不敏魯人以為敏明君子所不與也

六月晉以新城之盟

在前

蔡人不與

不與

晉卻缺以

軍下軍伐蔡

兼師二軍

曰君弱不可以怠

怠懈也

戊申入

以城下之盟而還

十一月晉侯宋公衛侯蔡侯陳侯鄭伯許男曹伯盟

于扈尋新城之盟且謀伐齊也

齊人執使且數伐魯

齊人賂晉

侯故不克而還於是齊難是以公不會

明令不序諸侯不以

公不

書曰諸侯盟于扈無能為故也

惡其受賂不能討齊

十六年正月及齊平

齊前年再伐魯魯為受弱故平

公有疾使季孫

行父

季文子

會齊侯于陽穀請盟齊侯不肯曰請侯君

册序云... 盟會

間疾齊地公使襄仲納賂于齊侯故盟于鄆丘

十七年四月齊侯伐我北部襄仲請盟六月盟于穀

魯故請服

六月晉侯蒐于黃父一名黑壤晉地遂復合諸侯于扈平宋

也傳不列諸侯而言復合則如上十五年會扈之諸侯可知也公不與會齊難故

也十月襄仲如齊拜穀之盟

宣公元年夏季文子如齊納賂以請會宣公篡立未列於會故以

賂請公會齊侯會於平州平州齊地在泰山牟縣西以定公位篡

者諸侯既與之會則不得復討臣子東門襄仲如齊殺之與弒君同故公與齊會而位定

拜成也謝得宋人之弒昭公也在文十六年晉荀林父以

諸侯之師伐宋宋及晉平宋文公受盟于晉又會諸

侯于扈將為魯討齊皆取賂而還文十五年十七年二扈之盟皆受賂

鄭穆公曰晉不足與也遂盟于楚

三年春齊侯伐鄭及延鄭及晉平士會于盟延鄭地為夏楚

鄭侵

七年春衛侯使孫良夫來盟孫桓子也始通且謀會晉也

公即位衛始修好鄭及晉平公子宋之謀也故相鄭伯以會

冬盟于黑壤王叔桓公臨之以謀不睦王叔桓公周卿士御天子

之命以監臨諸侯不同敵者尊卑之別也晉侯之立也在二年公不朝焉又

不使大夫聘晉人止公于會盟于黃父盟公不與盟

以賂免黃父即黑壤也故黑壤之盟不書諱之也慢盟主以取執止之

辱故諱之

九年九月晉侯宋公衛侯鄭伯曹伯會于扈討不睦

也謀齊陳

十一年夏楚子陳侯鄭伯盟于辰陵楚復伐鄭故受盟也辰陵陳地

潁州長平縣東南有辰亭陳鄭服也言楚與晉狎主盟

秋晉侯會狄于橫幽郤成子求成于衆狄衆狄疾赤

狄之役遂服于晉赤狄路氏最強故服役衆狄會于橫幽衆狄服

也橫幽狄地

十二年十二月晉人宋人衛人曹人同盟于清丘晉衛

背盟故大夫稱人宋華椒承辭偽之言以誤其國宋雖有守信之善而椒猶不免譏濟丘衛地在今濮陽縣東

南曰恤病討貳於卿不書不實其言也宋伐陳衛取之不討

貳也楚伐宋晉不取不恤病也宋爲盟主故伐陳陳貳於楚故衛人救之

孔達曰先君有約言焉若大國討我則死之衛成公與陳共

公有舊好故孔達欲背盟救陳而以死謝晉十四年衛殺孔達

十三年夏楚子伐宋以其救蕭救蕭在前君子曰清丘

之盟唯宋可以免焉宋討陳之貳今宋見我晉衛不顧盟以恤宋而春秋貶宋大夫

傳嫌華椒之罪累反其國故曰唯宋可以免

十四年冬公孫歸父會齊侯于穀

十五年春公孫歸父會楚子于宋五月楚師伐宋宋

人懼使華元夜入楚師登子反之牀起之曰寡君使

元以病告兵法因其卿人而用之必先知其守將左右謁者門者舍人之名因而利道之華元

蓋用此術得以自通曰敝邑易子而食析骸以爨爨也雖然城

下之盟有以國斃不能從也寧以國斃不從城下之盟去我三十

里唯命是聽子反懼與之盟而告王退三十里宋及

楚平華元為質盟曰我無爾詐爾無我虞楚不詐宋宋不備楚

秋仲孫蔑會齊高固于無婁無婁杞邑

十七年六月公會晉侯曹伯邾子同衛侯盟于斷道

斷道晉地討貳師也

十八年春齊侯會晉侯盟于緡以公子疆為質于晉

晉師還蔡子朝南郭偃逃歸晉既與齊盟守者解緩故得逃

成公元年夏臧孫許及晉侯盟于赤棘晉地與晉盟懼齊楚

二年六月季孫行父臧孫許叔孫僑如公孫嬰齊帥

師會晉郤克衛孫良夫曹公子首及齊侯戰于鞏齊

師敗績

七月齊侯使國佐如師已酉及國佐盟于袁婁鞏去齊五

百里袁婁去齊五十里使齊人歸我汶陽之田公會晉師于上

鄭上鄭地名冬楚侵魯及楊橋孟孫請往賂之楚侵遂深故孟孫請

以賂往孟孫獻子也以執斲執鍼織紵執斲匠人執鍼女工織紵織繪布者皆百

人公衛為質公衛成公子以請盟楚人許平

十一月公會楚公子嬰齊于蜀

公與大夫會不貶嬰齊者時有許蔡之君

也然丙申公及楚人秦人宋人陳人衛人鄭人齊人

曹人邾人薛人鄆人盟于蜀

齊在鄭下非卿下所謂卿不書匱盟也然則楚

於是始與中國準自此卿不書匱盟也於是乎畏晉

而竊與楚盟故曰匱盟

匱乏也

蔡侯許男不書乘楚車

也謂之失位

乘楚王車為左右則失位也卿不書則稱人諸侯不書君臣之別

三年十二月晉侯使荀庚來聘且尋盟

尋元年赤棘盟荀庚林父

子衛侯使孫良夫來聘且尋盟

尋宣七年盟

公問諸臧宣

叔曰中行伯之於晉也其位在三

下

孫子之於衛也

位為上卿將誰先對曰次國之上卿當大國之中中

當其下下當其上大夫

降一等

小國之上卿當大國之

下卿中當其上大夫下當其下大夫

降大國二等

上下如

是古之制也

古制公為大國侯伯為次國子男為小國

衛在晉不為次國

春秋時以強弱為大小故衛雖侯爵猶為小國

晉為盟主其將先之

計等則二人位

敵以盟主故先晉

丙午盟晉丁未盟衛禮也

五年十二月公會晉侯齊侯宋公衛侯鄭伯曹伯邾

子杞伯同盟于蟲牢

蟲牢鄭地陳留丘縣北有桐牢

鄭服也諸侯謀

復會宋公使向為人辭以子靈之難

子靈圍龜也宋公不欲會以新

誅子靈為辭為明年侵宋

七年秋楚子子嬰齊帥師伐鄭公會晉侯齊侯宋公

衛侯曹侯莒子邾子杞伯救鄭八月同盟于馬陵

衛地陽平元城縣東南有地名馬陵 尋蟲牢之盟且莒服故也

莒本屬齊齊服故莒從之

九年正月公會晉侯齊侯宋公衛侯鄭伯曹伯莒子

杞伯同盟于蒲

蒲衛地在長垣縣西南 為歸汝陽之田故諸侯

貳於晉

歸田在前年 晉人懼會于蒲以尋馬陵之盟

七年季文子謂范文子曰德則不競尋盟何為也

文子曰勤以撫之寬以待之堅疆以御之明神以要之柔服而伐貳德之次也是行也將始會吳吳人不

至

十年五月公會晉侯齊侯宋公衛侯曹伯伐鄭

州蒲也稱爵見其生代父居位失人子之禮 為晉立太子州蒲以為君故

會諸侯伐鄭

生立子為君父不父子不子書晉侯其惡名 鄭子罕賂以襄

鐘

子罕穆公之廟鐘 子然盟于脩澤子駟為質

皆穆公子榮陽卷縣東有修武亭 辛巳鄭伯歸

十一年春公在晉人以為貳於楚故止公公請受盟

而後使歸

前年七月如晉 三月晉侯使卻犇來聘已丑及卻犇盟

卻犇卻克從父兄弟 夏季文子如晉報聘且蒞盟也

卻犇文子交盟魯晉之君其意一也故但書來盟舉重畧輕

冬宋華元如楚遂如晉克合晉楚之成

為明年盟宋西門外張本

秦晉為成將會於令狐晉侯先至焉秦伯不肯涉河

次于王城使史顓盟晉侯于河烹

史顓秦大夫

晉欲驩盟

秦對乎河西

就王城

范文子曰是盟也何益齊盟所以

質信也

齊一心質成也

會所信之始也始之不從其可質乎

秦伯歸而背晉成

十二年五月晉士燮會楚公子罷許偃

二十楚大夫

癸亥

盟于宋西門之外曰凡晉楚無相加戎好惡同之同

恤蓄危備救凶患若有害楚則晉伐之在晉楚亦如

之交費往來道路無壅

費幣也

謀其不協而討不庭

背討

叛不來王庭者

有渝此盟明神殛之

殛誅也

俾隊其師無克胙

國俾使也隊失也

鄭伯如晉聽成

聽猶受也晉楚既成鄭往受命

會于瓊澤

成故也

晉既與楚成合諸侯以申成好

冬楚公子罷如聘且蒞盟

報郤至

十二月晉侯及楚公

子罷盟于赤棘

赤棘晉地

十五年三月公會晉侯衛侯及鄭伯曹伯世子成齊

國伐邾人同盟于威討曹成公也

討其弒太子而自立其事在十二年

十六年春楚子自武城使公子成以汝陰之田求成

于鄭

汝水之南近鄭地

鄭叛晉子駟從楚子盟于武城

為晉伐鄭

起

秋公會晉侯齊侯衛侯宋華元邾人于沙隨沙隨宋地梁國

寧陵縣北不見公不及鄆陵戰故不諱者耻輕於執止公會尹子晉侯

齊國佐邾人伐鄭尹子王卿士子爵

十二月季孫行父晉卻犇盟于扈晉許魯平故盟

十七年夏公會尹子單子晉侯齊侯宋公衛侯曹伯

邾人同盟于柯陵柯陵鄭地尋戚之盟也

冬公會單子晉侯宋公衛侯曹伯邾人伐鄭

十八年十二月仲孫蔑會晉侯宋公衛侯邾子齊崔

杼同盟于虛打虛打地謀救宋也

襄公元年春仲孫蔑會晉欒黶宋華元衛甯殖曹人

莒人邾人滕人薛人圍宋彭城

二年七月仲孫蔑會晉荀瑩宋華元衛孫林父曹人

邾人于戚齊崔武子及滕薛小邾之大夫皆會知武

子之言故也武子將在齊齊人懼帥小國而會之遂城虎牢鄭人乃成

三年四月公及晉侯盟于長樗晉侯出其國都與公盟于外孟獻

子相公稽首相儀也稽首首至地知武子曰天子在而君辱稽

首寡君懼矣稽首事天子之禮孟獻子曰以敝邑介在東表

密邇仇讐仇讐謂齊楚與晉爭寡君將君是望敢不稽首言獻子能

固事盟主 晉為鄭服故且欲脩吳好鄭服在前年將合諸侯使

士甸告于齊曰寡君使甸以歲之不易不虞之不戒

寡君願與一二兄弟相見不易多難也虞度也戒備也列國之君相謂兄弟

以謀不協請君臨之使有乞盟齊侯欲勿許而難為

不協乃盟于郟外與士有盟郟水名

六月公會單頌公及諸侯已未同盟于鷄澤單頌公王卿士

晉侯使荀會逆吳子於淮吳子不至道遠多難楚子辛為

令尹侵於欲小國陳成公使袁僑如會求成患楚侵欲袁僑

濤塗四世孫晉侯使和組父告于諸侯告陳服秋叔孫豹及

諸侯之大夫及陳袁僑盟陳請服也其君不來使大夫盟之匹敵之

宜

五年夏仲孫蔑衛孫林父會吳于善道初吳子使壽

越如晉壽越大夫辭不會于雞澤之故三年會鷄澤吳不至今來謝之且

請聽諸侯之好更請會晉人將為之合諸侯使魯衛先

會吳且告會期以其道遠故使魯衛先告期二大夫皆受晉命而

會吳九月盟于戚會且盟吳成陳也公及其會而不書盟非公後會

蓋不以盟告廟穆叔以屬郟為不利使郟大夫聽命于會郟魯不能救恐致譴責故復乞還之

七年十月衛孫文子來聘且拜武子之言緩報非而貳之言

尋孫桓子之盟盟在成三年公登亦登禮登階臣後君一等叔孫桓

子相趨進曰諸侯之會寡君未嘗後衛君敵體今吾

子不後寡君寡君未知所過吾子其少安安徐也孫子

無辭亦無悛容後改也穆叔曰孫子必亡為臣而君過

而不悛亡之本也詩曰退食自公委蛇委蛇委蛇順貌詩召

南言人臣自公門入私門無不順禮謂從者也從順也衡而委蛇必折衡

也橫不順道必毀折

八年五月季孫宿會晉侯鄭伯齊人宋人衛人邾人

于邢丘時公在晉晉悼難勞諸侯唯使大夫聽命故季孫在會而公先歸以命朝聘

之數使諸侯之大夫聽命鄭伯獻捷于會故親聽命

獻蔡捷也

九年冬公會晉侯宋公衛侯曹伯莒子邾子滕子薛

伯杞伯小邾子齊世子光伐鄭甲戌師于汜衆軍還聚汜汜

鄭地東汜令於諸侯曰脩器備兵器戰備盛饌糧餼乾食歸老幼

示將父師屠豕于虎牢諸侯已取鄭虎牢故使諸軍攻病息其中肆青圍鄭肆綏

也青過也不書圍鄭遂服不成圍鄭人恐乃行成與晉成也中行獻子曰

遂圍之以待楚人之救也而與之戰不然無成獻子荀偃

也恐楚救鄭復屬之知武子曰許之盟而還師以敵楚人敵罷也

吾三分四軍分四軍為三部與諸侯之銳以逆來者來者楚也於

我未病楚不能矣晉各二動而楚三來故曰不能猶愈於戰勝聚戰暴

骨以逞不可以爭言爭當以謀不可以暴骨大勞未艾君子勞心

小人勞力先王之制也艾息也言當從勞心之勞諸侯皆不欲戰

乃許鄭成十二月同盟于戲鄭服也鄭服故言同將盟鄭

六卿公子駢子駢公子發子發公子嘉子嘉公子軌子軌公孫

蠆子蠆公孫舍之子舍及其大夫門子皆從鄭伯門子卿

晉士莊子為載書莊子士弱曰自今日既盟之後鄭

國而不唯晉命是聽而或有異志者有如此盟如違

公子駢趨進曰天禍鄭國使介若二大國之間猶介

問大國不加德音而亂以要之謂以兵亂使其鬼神

不獲歆其禮祀其人民不獲享其土利夫婦辛苦墊

隘無所底告墊隘猶委自今日既盟之後鄭國而不

唯有禮與疆可以庇民者是從而敢有異志者亦如

之亦如苟偃曰改載書子駢亦以所言公孫舍之曰

昭大神要言焉要誓以若可改也大國亦可叛也知

武子謂獻子曰我實不德而要之以盟豈禮也哉非

禮何以主盟姑盟而退脩德息師而來終必獲鄭何

必今日我之不德民將棄我豈唯鄭若能休和遠人

將至何恃於鄭乃盟而還遂兩用

十二月楚子伐鄭與晉子駟將及楚平子孔子僑曰

與大國盟口血未乾而背之可乎子駟子底曰吾盟

固云唯疆是從今楚師至晉不我救則楚疆矣盟誓

之言豈敢背之且要盟無質神弗臨也質主所臨唯

信信者言之瑞也瑞符善之主也是故臨之神臨明

神不蠲要盟也蠲潔也背之可也乃及楚平公子罷戎人

同盟於中分中分鄭地中里名罷戎楚大夫

十年春公會晉侯宋公衛侯曹伯莒子邾子滕子薛

伯杞伯小邾子齊世子光會吳于祖吳子在祖晉以諸侯往會之故

日會吳吳不稱子從所稱也祖楚也會吳子壽慶也壽吳慶子乘

十一年四月公會晉侯宋公衛侯曹伯齊世子光莒

子邾子滕子薛伯杞伯小邾子伐鄭鄭人懼乃行成

秋七月同盟于亳范宣子曰不慎必失諸侯慎敬威儀謹辭

令諸侯道敝而無成能無二乎數伐鄭皆罷于道路乃盟載書

曰凡我同盟無蕪年蕪積年穀而不分災毋壅利專山川之利毋保

姦藏罪人毋留慝速去惡救災患恤禍亂同好惡獎王室

獎助也或間茲命司慎司盟名山名川二司天神羣臣羣祀

祀典者在先王先公先生諸侯之大祖宋祖帝乙鄭祖厲王之比也先公始封君七

姓十二國之祖七姓晉魯衛鄭曹滕姬姓邾小邾曹姓宋子姓齊姜姓莒已姓祀似姓薛

任姓實十三國言十二誤也明神殛之殛誅也俾失其民隊命亡氏

陪其國家陪斃也

九年諸侯悉師以復伐鄭諸侯之師觀兵于鄭東門

鄭人使王子伯駢行成甲戌晉趙武入盟鄭伯冬十

月丁亥鄭子展出盟晉侯二盟不書不告十二月戊寅會于

肖魚經書秋史失之庚辰赦鄭囚皆禮而歸之納斥侯不相備也

禁侵掠

十四年正月季孫宿叔老會晉士句齊人宋人衛人

鄭公孫蔓曹人莒人邾人滕人杞人小邾人會

吳于向叔老聲伯子也魯使二卿會晉敬事霸國晉人自是輕魯幣而益敬其使故叔老雖介亦

列於會也齊崔杼宋華閱衛北宮括在會情慢不攝

故貶稱人蓋欲以督率諸侯獎成霸功也吳來在向

諸侯會之故也謀為吳為吳謀楚故也伐楚范宣之數吳

之不德也以退吳人吳伐楚喪故以為不德將執戎

子駒支駒支戎子名范宣子親數諸朝行之所在曰來姜

戎氏昔秦人迫逐乃祖吾離于瓜州四嶽之後皆姜姓又別為允姓

瓜州地在今燉煌乃祖吾離被苦蓋蓋苦之別名蓋荆棘以來歸

我先君蒙冒也我先君惠公有不腆之田腆厚也與女剖

分而食之中分為剖今諸侯之事我寡君不若昔者蓋言

語漏洩則職女之繇職主也詰朝之事爾無與焉詰朝明旦

不使復得與會事與將執女對曰昔秦人負恃其眾會于土

地逐我諸戎惠公蠲其大德蠲明也謂我諸戎是四嶽

之裔胄也四嶽堯時方伯姜姓也裔遠也胄後也毋是翦棄翦削也賜我

南鄙之田狐貍所居豺狼所嗥我諸戎除翦其荆棘

驅其狐貍豺狼以為小君不侵不叛之臣至于今不

貳不內侵亦不外叛昔文公與秦伐鄭秦人竊與鄭盟而舍

戍焉在僖三於是乎有殺之師在僖三晉禦其上戎

亢其下

亢猶當也

秦人師不復我諸戎實然譬如捕鹿晉

人角之諸戎倚之

倚其足也

與晉踣之

踣僵也

戎何以不免

自是以來晉之百役與我諸戎相繼于時

言給晉役不曠時

以從執政猶殺志也

意常加殺無中二也

豈敢離邊今官之師

旅無乃實有所闕以攜諸侯而罪我諸戎我諸戎飲

食衣服不與華同贄幣不通言語不達何惡之能為

不與於會亦無薈焉

薈悶也

賦青蠅而退

青蠅詩小雅取其愷悌君

子無信

宣子辭焉

亂謝

使即事於會成愷悌也

成愷悌信讒也

不書者戎為晉屬不得時書

於是子齊叔為季武子介以會自是

晉人輕魯幣而益敬其使

齊子叔老字也言晉敬魯使經所以並書二卿冬

季孫宿會晉士甸宋華閱衛孫林父鄭公孫黃莒人

邾人于戚

十五年春正月宋公使向戌來聘二月己亥及戌盟

于劉

十六年三月公會晉侯宋公衛侯鄭伯曹伯莒子邾

人薛伯杞伯小邾子于澠梁

不書高厚逃歸故也澠水出河內軹縣東南温

人戊寅大夫盟

諸大夫卒欲盟高厚高厚逃歸故遂自共盟雞澤會重序諸侯今此間無

異事即上諸侯大夫可知

晉侯與諸侯宴于温使諸大夫舞曰歌

詩必類

歌古詩當使各從義類

齊高厚之詩不類

齊有二心故

荀偃

怒且曰諸侯有異志矣使諸大夫盟高厚高厚逃歸

齊為大國高厚若此於是叔孫豹晉荀偃宋向戌衛
知小國必當有從者
不書故傳舉
小邾以包之

十九年春諸侯還自沂上盟于督揚曰大毋侵小
即祝
柯也
執邾悼公以其伐我故遂次于泗上疆我田
魯之界也
四水名

取邾田自濼水歸之于我
十一月齊及晉平盟于大隧
大隧地名

故穆叔會范宣子
千柯
齊晉平魯懼齊故
為柯會以自固
穆叔見叔向賦載馳之四章

四章曰控于大邦誰引誰極控
叔向曰盼敢不承命
引也取其欲引大國以自救助
叔向度齊未肯以
盟服故許救魯
穆叔歸曰齊猶未也不可以不懼

乃城武城

冊序元龜

册府元龜

列國君部

盟會第二

襄公二十年春及莒乎孟莊子會莒人盟于向督楊之盟故也

莒數伐魯前年諸侯盟督楊以和解之故二國自復共盟結其好

六月公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵

澶淵在頓丘縣南今名繁汗北衛地

又近齊城故也齊與晉平

二十一年十月公會晉侯齊侯宋公衛侯鄭伯曹伯

莒子邾子于商任

商任地名

錮欒氏也

禁錮欒盈使諸侯不得受

二十二年冬公會晉侯齊侯宋公衛侯鄭伯曹伯莒

子邾子薛伯杞伯小邾子于沙隨復錮欒氏也

晉知欒盈

在齊故復錮也

二十四年八月公會晉侯宋公衛侯鄭伯曹伯莒子

邾子滕伯薛伯杞伯小邾子于夷儀將以伐齊水不

克

晉合諸侯以報前年見伐

二十五年五月公會晉侯宋公衛侯鄭伯曹伯莒子

邾子滕子薛伯杞伯小邾子于夷儀伐齊以報朝歌

之役

朝歌役在二十三年

秦晉為成晉韓起如秦涖盟秦伯車

如晉涖盟

伯車秦伯之弟鍼也

成而不結

不結固也

八月諸侯同盟于重丘

夷儀之諸侯也重丘齊地

齊成故也

伐齊而無

同盟以明齊以同盟

二十六年夏公會晉人鄭良霄宋人曹人于澶淵

公侯皆應貶方責宋向戌後期故書良霄以駁之若皆鄭人則嫌向戌直以會公貶之

以討衛

疆戚田

正戚之封疆

取衛西鄙懿氏六十以與孫氏

戚城西北

五十里有名城因姓以名城田六十井

趙氏不書尊公也

罪武會公侯

向戌

不書後也

後會期

鄭先宋不失所也

此期至

於是衛侯會

之晉將執之不得與會故不書

二十七年夏叔孫豹會晉趙武楚屈建蔡公孫歸生

衛石惡陳孔奐鄭良霄許人曹人于宋 按傳會者十

交相見邾滕為私屬皆不與盟宋為主人地與宋則與盟可知經唯序歷國大夫楚先晉軟而書先晉貞

信也陳與晉會嘗在衛上宋向戌善於趙文子又善

於令尹子木欲弭諸侯之兵以為名 欲獲息民之名如晉告

趙孟孟謀於諸大夫韓宣子曰兵民之殘也則用之

蠹 蠹害物之虫小國之大菑也將或弭之雖曰不可必將

許之 言雖知兵不得久弭今不可不許弗許楚將許之以召諸侯則

我失為盟主矣晉人許之如楚楚亦許之如齊齊人

難之陳文子曰晉楚許之我焉得已且人曰弭兵而

我弗許則固攜吾民矣將焉用之齊人許之告於秦

秦亦許之皆告於小國為會於宋五月甲辰晉趙武

至於宋丙午鄭良霄至六月丁未朔宋人享趙文子

叔向為介司馬置折俎禮也 折俎體解節折升之於俎合卿享宴之禮故曰

禮也周禮司馬掌會同之事仲尼使舉是禮也以為多文辭 宋何

美弭兵之意敬逆趙武趙武叔向因享宴之會展賓主之辭故仲尼以為多文辭戊申叔孫

豹齊慶封陳須無衛石惡至 須無陳文子甲寅晉荀盈從

趙武至 趙武命盈追已故言從趙武後武遣盈如是丙辰邾悼公至 小國故君

自來 壬戌楚公子黑肱先至成言於晉 時令尹子木止陳遣黑肱就晉



大夫盛盟載之言兩相然可

丁卯宋向戌如陳從子木成言於楚

就於陳成楚之要言

戊戌滕成公至

亦小國君自來

子木謂向戌請晉

楚之從交相見也

使諸侯從晉楚者更相朝見

庚午向戌復於趙

孟趙孟曰晉楚齊秦四也晉之不能於齊猶楚之不能於秦也

不能服而使之

楚君若能使秦君辱於敝邑寡君

敢不固請於齊

請齊使朝楚

壬申左師復言於子木子木

使驛謁諸王

驛傳也謁告也

王曰釋齊秦他國請相見也

以下書齊秦

秋七月戊寅左師至

從使還

是夜也趙孟及皙

盟以齊言

子皙公子黑肱素要齊其辭至盟辭不得復訟爭

庚辰子木至自

陳陳孔與蔡公孫歸生至

二國大夫與子木俱至

曹許之大夫

皆至以藩為軍

示不相忌

晉楚各從其偏

看處北楚處南

伯夙謂

趙孟

伯夙荀盈

曰楚氛甚惡懼難

氛氣也言楚有襲晉之氣

趙孟曰吾

左還入於宋若我何

營在宋北東頭為上故晉營在東有恚可左回入宋東門

辛

已將盟於宋西門之外楚人衷甲

甲在衣中欲因會繫晉

伯州

犁曰合諸侯之師以為不信無乃不可乎夫諸侯望

信於楚是以求服若不信是棄其所以服諸侯也固

請釋甲子木曰晉楚無信久矣事利而已苟得志焉

用有信太宰退

大宰伯州犁

告人曰令尹將死矣不及三

年求逞志而棄信則志將逞乎志以發言言以出信

信以立志參以定之

志言信三者具而後身安

信亡何以及三

為明

死起本 趙孟患楚衷甲以告叔向叔向日何害也匹

夫一為不信猶不可單斃其死單盡也若合諸侯之

卿以為不信不捷矣食言者不病不病者單斃於死非子之

患也楚食言當死晉不食言故無患夫以信召人而以僭濟之濟成也

必莫之與也安能害我且吾因宋以守病為楚所病則欲入宋

城則夫能致死與宋致死雖倍楚可也宋為地主致死助我則力

可倍 子何懼焉又不及是日弭兵以召諸侯而稱兵

以害我稱舉也吾庸多矣非所患也晉獨取信故其功多季武子

使謂叔孫以公命曰視邾滕兩事晉楚則貢賦重故欲比小國武子恐叔孫

不從其言故假公命以教之既而齊人請邾宋人請滕皆不與盟

私屬二 叔孫曰邾滕人私也我列國也何故視之宋

衛吾匹也乃盟故不書其族言違命也季孫專政於國魯君非所

得命今君惟以此命告豹豹宜崇大順以顯弱命之君而遂其小是故貶之晉楚爭先爭先

血 晉人曰晉固為諸侯盟主未有先晉者也楚人曰

子言晉楚匹也若晉嘗先是楚弱也且晉楚狎主諸

侯之盟也久矣狎更也豈專在晉叔向謂趙孟曰諸侯

歸晉之德只辭非歸其尸盟也尸主子務德無爭先且

諸侯盟小國固必有尸盟者小國主辨具楚為晉細不可

乎欲推使楚主盟乃先楚人書先晉晉有信也蓋孔子追正之乙酉

宋公及諸侯之大夫盟于蒙門之外前盟諸大夫不敢敵公禮也今

宋公以近在其國故謙而重子木問於趙孟曰范武

盟故不書蒙門宋城門也士會賢聞於對曰夫子之家事治言於

子之德何如諸侯故問之晉國無隱情其祝史陳信於鬼神無愧辭祝陳馨香

故不愧子木歸以語王王曰尚矣哉尚土能歌神人歌

也使神享其祭人懷其德宜其光輔五君以為盟主也五君謂文

子木又語王曰宜晉之伯也有叔向以佐其卿楚無

以當之不可與爭晉荀盈遂如楚蒞盟

七月辛巳叔孫豹及諸侯之大夫盟于宋夏會之大夫也豹不

倚順以顯弱命之君而命小是以自從九月楚遂罷

故以違命而貶之釋例論之甚備矣

如晉蒞盟罷令尹子蕩報荀盈

二十八年夏齊侯陳侯蔡侯北燕伯杞伯胡子沈子

白狄朝于晉宋之盟故也陳侯蔡侯胡子沈子楚禹也宋盟曰晉楚從之交相

見故得朝燕國今薊縣齊侯將行慶封曰我不與盟何為於晉

以宋盟釋齊秦陳文子曰先事後賄禮也事大國當先從其政事而後薦賄以

副已志小事大未獲事焉從之如志禮也言當從大國請事以順其

雖不與盟敢叛晉平重丘之盟未可忘也子其勸

行重丘盟在九月鄭游吉如晉告將朝于楚以從宋

之盟

二十九年五月仲孫羯會晉荀盈齊高止宋華定衛

世叔儀鄭公孫段曹人莒人滕人薛人小邾人城杞

公孫段百石也三十年伯有杞子來盟文公也杞復稱子用夷禮

也魯歸其田故來盟

三十年十月晉人齊人衛人鄭人曹人莒人邾

人滕人薛人杞人小邾人會于澶淵宋災故也會未

其事者此言宋災故以惡宋人不克已自責而出會求財諸侯之大夫會以謀歸

宋財

昭公元年正月叔孫豹會晉趙武楚公子圍齊國弱

宋向戌衛齊惡陳公子招蔡公孫歸生鄭罕虎許人

曹人于虢

招實陳侯母弟不稱弟者義與莊二十五年年公子友同今讀舊書則楚當先晉而後宋書趙武者亦取宋盟貴武之信故尚之也衛在陳蔡上先至於會尋宋之盟也宋盟在襄

二十七年初午謂趙文子曰宋之盟楚人得志於晉得志謂先

戰午初今令尹之不信諸侯之所聞也子弗戒懼又

如宋恐楚復得志子木之信稱於諸侯猶詐晉而駕焉猶駕

陵也詐謂衷甲况不信之尤者乎尤甚也楚重得志於晉晉之

耻也子相晉國以為盟主於今七年矣襄二十五年始為政以春

言故云再合諸侯襄二十五年會夷儀三合大夫襄

十七年會于宋三十年會澶淵及今會虢也服齊狄寧東夏襄二十八年齊侯白狄朝

晉平秦亂襄二十六年秦晉為成城淳于襄二十九年城杞師

徒不頓國家不罷民無謗讟讟諱也諸侯無怨天無大

災子之力也有令名矣而終之以耻午也是懼吾子

其不可以不戒文子曰武受賜矣受午言然宋之盟子

木有禍人之心武有仁人之心是楚所以駕於晉也

今武猶是心也楚又行僭僭不信非所害也武將信以

為本循而行之譬如農夫是穠是稜穠耘也壅苗為稜雖有

饑饉必有豐年言耕鋤不以水旱息必獲豐年之收且吾聞之能信不

為人下吾未能也自恐未能信也詩曰不僭不賊鮮不為則

信也詩大雅僭不信賊害人也能為人則者不為人下矣吾不能

是雖楚不為患楚令尹圍請用牲匱舊書加于牲上

而已舊書宋之盟楚恐晉先軟故欲從舊書加于牲上不軟血經所以不書盟晉人許之

三月甲辰盟

四年六月楚子蔡侯陳侯鄭伯許男徐子滕子項子

胡子沈子小邾子宋世子佐淮夷會于申楚靈王始合諸侯

椒舉言於楚子曰臣聞諸侯無歸禮以為歸今歸始

得諸侯其慎禮矣霸之濟否在此會也夏啓有鈞臺

之享啓禹子也河南陽翟縣南有鈞臺陂蓋啓享諸侯於此商湯有景亳之命

河南鞏縣西南有湯亭或言亳即偃師周武有孟津之誓將伐紂也成有岐

陽之蒐周武王歸自奄大蒐於岐山之陽岐山在扶風美陽縣西北康有鄆宮之

朝鄆在始平鄆縣東有靈臺康王於是朝諸侯穆有塗山之會周穆王會諸侯于塗

山塗山在壽春東北齊桓有召陵之師在僖四年晉人有踐土之盟

在僖二十八年君其何用宋向戌鄭公孫僑在諸侯之良也

君其選焉

選擇所用

王曰吾用齊桓

用會召陵之禮

王使問禮於

左師與子產左師曰小國習之大國用之敢不薦聞

言聽聞謙示所未行

獻公合諸侯之禮六

其禮六儀也宋國子爵公故獻公禮

產曰小國共職敢不薦守獻伯子男會公之禮六

伯故獻伯子男會公之禮其禮司所從言之異

君子謂合左師善守先代子

產善相小國王使椒舉侍於後以規過

規正二子之過卒事

不規王問其故對曰禮吾所未見者有六焉又何以

規

左師子產所獻六禮楚皆未嘗行宋太子佐後至王田於武城久

而弗見椒舉請辭焉

請王辭謝之

王使往曰屬有宗祧之

事於武城

言為宗廟田獵寡君將墮幣焉敢謝後見

將因諸侯會布幣乃相見經并書宋太子佐知此言在命前

徐子吳出也以爲貳

焉故執諸申

言楚子以疑罪執諸侯

楚子示諸侯侈

自奢

椒舉

曰夫六王二公之事

六王啓湯武成康穆也二公齊桓晉文

皆所以示

諸侯禮也諸侯所繇用命也夏桀爲仍之會有緡叛

之

仍緡皆國名

商紂爲黎之蒐東夷叛之

黎東夷國名

周幽爲

大室之盟戎狄叛之

大室中嶽

皆所以示諸汰也諸侯所

繇棄命也今君以汰無乃不濟平王弗聽子產見左

師曰吾不患楚矣汰而懷諫

懷狠也

不過十年左師曰

然不十年侈其惡不遠遠惡而後棄

惡及遠方則人棄之

善亦

如之德而後興

為十三年楚弒其君傳

六年十二月齊侯伐北燕七年正月癸巳燕人行成
曰敝邑知罪敢不聽命先君之敝器請以謝罪敝器 瑤壘

王橫之屬公孫皙曰受服而退俟釁而動可也齊大夫二月

戊午盟于濡上濡水出高陽縣東北至河間鄭縣入易水燕人歸燕姬嫁女

與齊賂以瑤壘玉橫等耳不克而還瑤玉也橫匱也

三月公如楚叔孫婁如齊涖盟公孫遠適楚故叔孫如齊尋舊好

九年春叔孫弓宋華亥鄭游吉衛趙厲會楚子于陳

楚子在陳故四國大夫往非盟主所召不行會禮故不摠書

十一年五月仲孫閱會邾子盟于稜祥稜祥地名修好禮

也秋季孫意如會晉韓趙齊國弱宋華亥衛北宮佗

鄭罕虎曹人杞人于厥慙厥慙地名謀救蔡地

十有三年秋公會劉子晉侯齊侯宋公衛侯鄭伯曹

伯莒子邾子滕子薛伯杞伯小邾子于平丘平丘在陳留長

垣縣西南晉治兵於邾南甲車四千乘三十萬人羊舌肸攝司

馬鮒叔向弟也攝兼官遂合諸侯于平丘晉人將尋盟齊人不

可有一心故晉侯使叔向告劉獻公獻公王卿士劉子曰抑齊人

不盟若之何對曰盟以底信底致也君苟有信諸侯不

貳何患焉告之以文辭董之以武師雖齊不許君庸

多矣董督也庸功也詩之有辭故功多也天子之老請帥王賦元戎十

乘以先啓行天子大夫稱老元戎車在前者啓開也行道也遲速唯君欲佐晉討



齊叔何告于齊曰諸侯求盟已在此矣今君弗利寡

君以為請對曰諸侯討貳則有尋盟若皆用命何盟

之尋託用合叔何曰國家之敗有事而無業事則不

經業貢賦有業而無禮經則不序須禮而有次序有禮而無

威序則不共禮須威嚴有威而不昭共則不明威須昭告

神明而後信義者不明棄其百事不終所繇傾覆也信義不明則棄

威不威棄禮無禮無經無經無業故百事不成是故明王之制使諸侯歲聘

以志業志識也歲聘以脩其識業問朝以講禮三年而一朝正班爵之義率長幼之

序再朝而會以示威六年而一會以訓上下之則制財用之節再會而盟

以顯昭明十二年而一盟所以昭信義也凡八聘四朝再會王一巡狩盟于方嶽之下

業於好聘也講禮於等朝也示威於衆會也昭明于神盟也自

古以來未之或失也存亡之道嘗繇是興晉禮主盟

依先王先公舊禮主諸侯盟懼有不治奉承齊犧齊盟之犧牲而布諸

君求終事也終竟也君曰余必廢之何齊之有唯君圖

之寡君聞命矣齊人懼對曰小國言之大國制之敢

不聽從既聞命矣敬共以往遲速唯君叔何曰諸侯

有聞矣聞隙也不可以不示衆八月辛未治兵習戰建而

不旆建立旌旗不曳其旆旆游也壬申復旆之諸侯畏之軍將戰則旆故

曳旆以邾人莒人愬于晉曰魯朝夕伐我幾亡矣自

公即位邾魯同好又不朝夕伐莒無故怨愬晉人信之所謂讒惡弘多也我之不共魯故

之以不共晉貢以魯故也晉侯不見公使叔向來辭曰諸侯將

以甲戌盟寡君知不得事君矣請君無勤託謙辭子以絕魯

服惠伯對曰君信蠻夷之訐蠻夷謂邾莒以絕兄弟之國

棄周公之後亦唯君寡君聞命矣叔向日寡君有甲

車四千乘在雖以無道行之必可畏也况其率道其

何敵之有牛雖瘠債於豚上其畏不死債什也南蒯子

仲之憂其庸可棄乎棄猶忘也若奉晉之衆用諸侯之師

因莒邾杞鄆之怒四國近路數以小事相忿鄆已滅其民猶存故并以恐魯以討

魯罪間其二憂因南蒯子仲之憂為間隙何求而弗克魯人懼聽

命不敢與盟甲戌同盟于平丘齊服也令諸侯日中造于

除除地為壇盟會處癸酉退朝先盟再晉子產命外僕速張於除

幕張幄子大叔止之使待明日及夕子產聞其未張也

使速往乃無所張矣地已滿也言子產每事敏於太叔及盟子產爭

承承貢賦之次曰昔天子班貢輕重以列列位也列尊貢重

周之制也公侯地廣故所貢者多卑而貢重者甸服也甸服謂天子畿

內共職言鄭國在甸服外甸列伯子男鄭伯男也而使從諸侯之貢

不應出公侯之貢懼弗給也敢以為請諸侯靖兵以好為事

靖息行禮之命通聘問者無月不至貢之無藝藝法也

小國有闕所以得罪也諸侯脩盟存小國也貢獻無

極亡可待也存亡之制將在今矣自日中以爭至于



昏晉人許之既盟子大叔咎之曰諸侯若討其可瀆

乎瀆易也子產曰晉政多門政不出一家二偷之不暇何暇

討二不一偷苟且國不競亦陵何國之有為不競爭則為人

國公不與盟言邪莒之欲討魯故

十六年正月齊侯伐徐二月丙申齊師至于蒲隧徐地下邳取慮

縣東有蒲如陂徐人行成徐子及邾人莒人會齊侯

盟于蒲隧

十九年五月邾人邾人徐人會宋公乙亥同盟于蟲

終宋公伐邾事

二十二年齊侯伐莒莒子行成司馬竈如莒蒞盟齊竈

大夫莒子如齊蒞盟盟于稷門之外稷門齊城門也莒於是乎

大惡其君

二十五年春叔孫婁如宋夏叔詣晉會趙鞅宋樂大

心衛北宮喜鄭游吉曹人邾人滕人薛人小邾人于

黃父謀王室也王室有子朝亂謀定之

二十六年三月公至自齊處下鄆秋公會齊侯莒子

邾子杞伯盟于鄆陵鄆陵地名謀納公也齊侯謀

二十七年春公如齊自鄆行公至自齊居于鄆秋晉士

鞅宋樂祁犁衛北宮喜曹人邾人滕人會于扈令戊

周且謀納公也宋衛皆利納公固請之范獻子取貨



於季孫謂司城子梁與北宮貞子子梁宋樂初也貞子衛北宮喜曰

季孫未知其罪而君伐之請囚請亡於是乎不獲君

又弗克而自出也夫豈無備而能出君乎季氏之復

天救之也猶復安也休公徒之怒休息也而啓叔孫氏之心

不然豈其伐人而說甲執冰以游叔孫氏懼禍之濫

而自同於季氏天之道也魯君守齊三年而無成季

氏甚得其民淮夷與之淮夷魯東夷有十年之備有齊楚

之援公雖在齊言齊不致力有天之贊有民之助有堅守之心

有列國之權而弗敢宣也宣用也事君如在國書公行告至是

也故鞅以爲難二子皆圖國者也而欲納魯君鞅之

願也請從二子以圍魯無成死之二子懼皆辭小國

而以難復以難納自晉君

三十二年冬仲孫何忌會晉韓不信齊高張宋仲幾

衛世叔申鄭國參曹人莒人薛人杞人小邾人世叔申世

叔儀孫也國尋盟尋平城成周也

定公三年冬仲孫何忌及邾子盟于拔拔地名脩邾好

也公即位故脩好

四年三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛子杞伯小邾

子齊國夏于召陵侵楚於召陵先行會禮入楚境故舊侵五月公及



諸侯盟于臯馳召陵會劉子諸侯摠言之也繁昌縣東南有城昌亭復稱公者會盟異處也故

七年四月秋齊侯鄭伯盟于鹹地徵會于衛徵召也衛

侯欲叛晉屬齊鄭也諸大夫不可使北宮結如齊而私於

齊侯曰執結以侵我欲以齊師懼諸大夫齊侯從之乃盟于沙

叛晉也陽平元城縣東南有沙亭

八年夏齊國夏帥師伐我西鄙公會晉師于瓦瓦衛地將

來救魯公逆會之東郡燕縣東北有瓦亭范獻子執羔趙簡子中行文子

皆執鴈魯於是始尚羔獻子士鞅也簡子趙鞅也中行文子荀寅也禮卿執羔大夫執鴈魯則同之今始知執羔之晉師將盟衛侯于

尊也卿不書禮不敵公史略之

鄆澤自瓦還就衛地盟趙簡子曰群臣誰敢盟衛君者前年衛叛

晉推齊簡子意欲屬辱之涉佗成何曰我能盟之二子晉大夫衛人請

執牛耳盟禮尊者涖牛耳主次盟者衛侯與晉大夫盟自以當涖牛耳故請之成何曰

衛吾溫原也焉得視諸侯言衛小可比晉縣不得從諸侯禮將歃涉

沱梭衛侯之手及梳梭擠也血至梳衛侯怒王孫賈趨進賈衛

夫曰盟以信禮也信猶明也有如衛君其不敢唯禮是事

而受此盟也言晉無禮不欲受其盟冬衛侯鄭伯盟于曲澠結叛

晉曲澠衛地

九年春宋公使樂大心盟于晉且逆樂祁之尸辭僞

有疾乃使向巢如晉盟且逆子梁之尸巢何成曾孫

十年春及齊平夏公會齊侯于祝其

夾谷即祝其也

孔子相

相會儀也

犁彌言於齊侯曰孔子知禮而無勇若

使萊人以兵劫魯侯必得志焉

萊人齊所滅萊夷也

齊侯從之

孔子以公退曰士兵之

以兵擊萊人

兩君合好而裔夷之

俘以兵亂之

裔遠也

非齊君所以命諸侯也裔不謀夏

夷不亂華俘不干盟兵不偪好於神為不祥

盟將告神犯之

為不善

於德為愆義於人為失禮君必不然齊侯聞之

遽辟之

辟去萊兵

將盟齊人加於載書曰齊師出境而不

以甲車三百乘從我者有如此盟

如此盟詛之禍

孔子使茲

無還揖對

無還魯大夫

曰而不反我沒陽之田吾以其令

者亦如之

須齊歸汶陽田乃當共齊命於是孔子以公退賤者終其事要盟不潔故略不書

齊侯將享公孔子謂梁丘據曰齊魯之故吾子何不

聞焉

故舊典

事既成矣

會事成

而又享之是勤執事也且

犧象不出門嘉樂不野合

犧象酒器犧尊象尊也嘉樂鐘磬也

饗而既

具是棄禮也若其不具用稅稗也

稅穀不成者稗草之似穀者言享不具禮穢薄

若稅稗

用稅稗君辱棄禮名惡子盍圖之夫享所

以昭德也不昭不如其已也乃不果享

孔子知齊侯懷詐故以禮

治之

冬齊侯衛侯鄭游速會于安甫

安甫地名

十一年冬及鄭平

六年侵鄭之怨

始叛晉也

魯自僖公以來世服於晉至今

而叛故 叔還如鄭洫盟 還叔詣曾孫

十二年冬十月癸亥公會齊侯盟于黃 結叛晉

十四年五月公會齊侯衛侯于牽 魏郡黎陽縣東北有牽城 謀救

范中行氏 齊魯叛晉故助范中行也

秋齊侯宋公會于洮 洮曹地 范氏故也 謀救范氏

哀公元年八月齊侯衛侯會于乾侯救范氏

二年春伐邾將伐絞 絞邾邑 邾人受其土故賂以漸沂

之田而受盟癸巳叔孫州仇仲孫何忌及邾子盟于

句繹 句繹邾地取邑盟以要之

六年春叔還會吳于祖

七年夏公會吳于郟 郟今郟邾縣

八年秋及齊平九月臧賓如如齊洫盟 賓如臧會子 齊閭

丘明來洫盟 盟閭丘嬰之子

十二年夏公會吳于橐臯吳子使太宰嚭請尋盟 尋郟

盟 公不欲使子貢對曰盟所以周信也 周固也 故心以

制之 制其義 玉帛以奉之 奉質神明 言以結之 結其作 明神以

要之 要以禍福 寡君以為苟有盟焉弗可改也已若猶可

改日盟何益今吾子曰必尋盟若可尋也亦可寒也

尋重也寒歎也 乃不尋盟吳微會 微初衛人殺吳行人且

姚而懼謀於行人子羽 子羽衛大夫 子羽曰吾方無道無

乃辱君吾不如止也子木曰吾方無道

子木衛大夫

國無

道必棄疾於人吳雖無道猶足以患衛

為衛患也

往也長

木之斃無不標也

標擊

國狗之瘼無不噬也

瘼狂也噬齧也

而

况大國乎秋衛侯會吳于鄖公及衛侯宋皇瑗盟

不盟

書吳吳

而卒辭吳盟吳人藩衛人之舍

籬

子服景伯

謂子貢曰夫諸侯之會事既畢矣侯伯致禮地主歸

餼

侯伯致禮以禮賓地主所會主人也餼生物

以相辭也

各以禮相辭讓

今吾不

行禮於衛而藩其君舍以難之

難苦困也

子蓋見大宰乃

請束錦以行

以賂吳

語及衛故

若本不為衛請者

大宰詔曰寡

君願事衛君衛君之來也緩寡君懼故將止之

止子執

貢曰衛君之來必謀於其衆其衆或欲或否是以緩

來其欲來者子之黨也其欲不來者子之讐也若執

衛君是墮黨而崇讐也

墮毀也

夫墮子者得其志矣且

合諸侯而執衛君誰敢不懼墮黨崇讐而懼諸侯或

者難以霸乎大宰詔說乃舍衛侯

十三年夏公會覃平公晉定公吳夫差于黃池七月

辛丑盟吳晉爭先

爭歃血先後

吳人曰於周室我為長

吳為

大伯後

晉人曰於姬姓我為伯

為侯伯

趙鞅呼司馬寅

寅晉大夫

曰日軒矣

軒晚也

大事未成二臣之罪也

大事盟也二臣

鞅與寅

建鼓整列二臣死之長幼必可知也對曰請姑

視之反曰肉食者無墨墨氣色下今吳王有墨國勝乎國

敵所太子死乎且夷德輕不忍久請少待之小待無與爭

乃先晉人盟不書諸侯耻之故不錄

十七年十二月公會齊侯盟于蒙齊侯簡公弟平公敬也蒙在東莞蒙

陰縣西故蒙陰城也孟武伯相齊侯稽首公拜齊人怒武伯曰

非天子寡君無所稽首孟武伯問於高柴曰諸侯盟

誰執牛耳執牛耳尺盟者季羔曰鄆衍之役吳公子姑曹季

高柴也鄆發陽之役衛石彫發陽鄆也在十二年武

伯曰然則彘也彘武伯名鄆衍則大國執發則小國據時執者無嘗故武伯自以為可挑

二十一年八月公及齊侯邾子盟于顧

二十七年春越子使后庸來聘且言邾田封于駘上

欲使魯還邾田封境至駘二月盟于平陽西平三子皆從季康子叔孫文

子孟武伯皆康子病之耻從蠻夷盟言及子贛思子曰若

在此吾不及此夫不及與武伯曰然何不召曰固將

召之文子曰他日請念言季孫不能用于贛臨難而思之

齊宣公四十九年與鄭會于西城

康公十六年與晉衛會濁澤

趙成侯十三年與韓昭侯遇上黨

十七年與魏惠王遇葛孽左丘丘年表曰十八年趙孟入齊

十九年與齊宋會平陸與燕會河

秦孝公七年與魏王會社平

二十年會諸侯于澤朝天子

齊威王二十四年與魏王會田于郊

魏惠王五年與韓會宅陽城武都

十四年與趙會鄆

二十年歸趙邯鄲與盟漳水上

二十一年與秦會彤

二十七年丹封名會

丹魏大臣

齊宣王七年與魏王會于河南

八年與魏王會於甄

魏襄王元年與諸侯會徐州以相王

秦惠文王九年與魏會應

十二年會龍門

初夏二年與齊楚會齧桑

趙武靈王四年與韓會于區鼠

秦武王三年與韓襄王會臨晉

魏哀公六年秦求立公子政為太子與秦會臨晉

十一年與秦武王會應

十七年與秦會臨晉

二十年與齊王會於韓

楚懷王二十五年懷王入與秦昭王盟約於黃棘

韓襄王十年太子嬰與秦王會臨晉因至咸陽而歸

楚頃襄王十四年與秦昭王好會于宛結和親

魏昭王十二年與秦擊齊濟西與秦王會西周

韓釐王十四年與秦會兩周間

趙惠文王十四年與秦會中陽

十六年與秦王會穰

二十年王與秦昭王遇西河外年表云與秦會澠也先是秦王

使使者告趙王欲與王為好會遇於西河外澠池趙

王畏秦欲毋行廉頗藺相如計曰王不行示趙弱且

怯趙王遂行與秦王會澠池秦王飲酒酹曰寡人竊

聞趙王好音請奏瑟趙王鼓瑟秦御史前書曰某年

月日秦王與趙王會飲令趙王鼓瑟藺相如前曰趙

王竊聞秦王善為秦聲請奉盆缶奉王以相娛樂風俗

通義曰缶者瓦器所以盛酒漿秦王鼓之以節歌也秦王怒不許於是相如前

進跪跪請秦王秦王不肯擊缶相如曰五步之內

相如請得以頸血濺大王矣左右欲刃相如相如張

目叱之左右皆靡於是秦王不憚為一擊缶相如顧

召趙御史書曰某年月日秦王為趙王擊缶相秦之

群從曰請以趙十五城為秦王壽藺相如亦曰請以




秦之咸陽為趙王壽秦王竟酒終不能加勝於趙趙亦盛設兵以待秦秦不敢動

趙悼相王三年趙相魏相會魯柯盟

八年入秦置酒

齊王建二十八年入秦置酒



册府元龜

册府元龜

